



坊記集傳下卷

漳浦黃道周輯

晉安鄭開極重訂

微諫章第十六



子云從命不忿微諫不倦勞而不怨可謂孝矣

詩云孝子不匱

孝之與忠一也孝不違親忠不違君此治以王者也孝不陷其親忠不陷其君此治以天者也春秋以天治臣子亦以天治君父然終春秋之世未有子諫其父者也臣諫其君則有之至於不忿不倦不怨則亦鮮詩曰匪言不能胡斯畏忌夫以畏忌施於君父則方未諫而忿心從之忿而倦倦而怨臣子之勞匱則自是始也

莊公十九年巴人伐楚楚子禦之大敗於  
 津還鬻拳弗納遂伐黃敗黃師於蹇陵還  
 及湫有疾夏六月庚申率鬻拳葬諸夕室  
 亦自殺也而葬於經皇經皇者冢之闕闕  
 也初鬻拳諫楚子楚子弗從臨之以兵懼  
 而從之鬻拳曰吾懼君以兵罪莫大焉遂  
 自刎也楚人以為大闕謂之大伯使其後  
 掌之是以拒王於門沒又殉於經皇也如  
 鬻拳者可謂不忿不倦不怨矣夫鬻拳強  
 諫也懼君以兵忿孰如焉而謂之不忿何  
 也鬻拳之以兵蓋欲自殺也古之自殺而  
 諫者史魚之於衛靈公是也史魚死而粥  
 子不死死者以為良史不死者以為大闕  
 故史魚粥子皆可以為良史也然則鄭莊公  
 何以不諫其母曰臣有所得於君子有所  
 不得於母

僖公五年春晉侯殺其世子申生

左氏曰晉獻公寵驪姬將殺太子以君命  
 命申生曰君夢齊姜必速祠而求福申生  
 許諾乃祭於曲沃歸福於絳公田乃寘鴆  
 於胙公至召申生獻公祭之地墳試之物  
 於新城杜傳使圉告申生曰申生曰款也  
 新城杜傳使圉告申生曰款也款申生奔  
 新城杜傳使圉告申生曰款也款申生奔  
 訓導以至於死小心補介不取行也是以  
 言至而無所訟之吾聞君子不去情不友  
 讒讒行身死猶有令名焉死不遷情疆也  
 守情說父孝也殺身以成志仁也死不忘  
 君敬也孺子許諾或謂申生曰非子之罪  
 何不去乎申生曰不可去而罪釋必歸於  
 君是惡君也章父之惡而笑諸侯吾將誰  
 入吾聞之仁不惡君知不重困勇不逃死  
 吾將伏以俟命驪姬見申生而哭之曰有  
 父忍之况國人乎申生乃經於新城方申  
 生之未死也或謂申生曰子辭君必辨焉  
 太子曰若非姬氏若不安食不飽我辭姬

必有罪君老矣吾又不樂是則杜原款之  
教也為人師傅不能免人於難又不能自  
免也而相示以辨言為諱夫有豺狼其父  
之心乎子壽不諫其父而從彼以死則猶  
之素屬也詩曰相彼投兔尚或先之行有  
苑人尚或堊之君子秉心維其忍之是杜  
原款里克之過也能諫而又能死者其惟  
富辰乎

### 僖公二十四年夏狄伐鄭

左氏曰鄭之入滑也滑人聽命師還又即  
衛鄭人伐滑王請滑不聽又執王人王怒  
將以狄伐鄭富辰諫曰不可臣聞之太上  
以德撫民其次親親以相及也昔周公正  
二叔之不咸故封建親戚以藩屏周管蔡  
邠霍魯衛毛聃郛雍曹滕畢原鄭郕文之  
昭也邠晉應韓武之穆也凡蔣邢茅昨祭  
周公之亂也召穆公思周德之不顯故糾

合宗族於成周而作詩曰棠棣之華鄂不  
韡韡凡今之人莫如兄弟其四章曰兄弟  
閱于墻外禦其侮如是則兄弟小忿不廢  
懿親鄭在天子兄弟也鄭武莊有大勳力  
於平桓凡我周之東遷晉鄭是依子頹之  
亂又鄭之繇定今以小忿棄之毋乃不可  
乎章怨外利不義棄親即翟不祥以怨報  
德不仁王不可以棄之即翟不祥以怨報  
取標王德翟人將以其女為后富辰又諫  
曰不可臣聞之曰報者倦矣施者未厭狄  
固貪憚王又啓之女德無極婦怨無終翟  
必為患王又弗聽及翟后立通於其昭  
王黜翟后翟遂攻周王出及坎欲翟敗  
師獲周公忌父原伯毛伯殺譚伯富辰曰  
昔吾驟諫王不從以及此難若我富辰  
其以我為懟乎乃率其屬死之富辰可謂  
不死也而以為不死無所致其勞故雖死  
不怨者富辰之諫是也富辰可謂不墮

文公十八年冬莒弑其君

其

左氏曰莒太子僕殺紀公使僕人以書命季文子憚以吾故殺其君而以矣為我予之邑今日必遇之而夏其書曰夫莒其實來不識固窮又求夷今日必通無逆命矣詰之僕人以里革對公女亦聞之乎對曰臣以之也臣聞之曰毀則者竊寶者為軌用軌之財者不可不去也臣違君也公曰寡人寔貪非子夏宣公濫於泗淵里革古者大寒降土蟄發水取名魚登川禽而嘗之

公以是寶來奔其子曰莒太子子其寶也受我其其無也里革太子殺之而窮自邇為我流之於明日有司復命公執之曰逆命命者亦不可不殺之罪也乃舍之及斷其罪而東之曰虞於是乎請以廢廟行諸國

宣氣也鳥獸孕水蟲成

獸虞於是乎禁罟

羅措魚鱉以為夏稿功

生阜也鳥獸成水

蟲孕水虞於是乎禁罟

麗訓狝鄂以實廟

庖畜功也且夫山

鰭孽澤不伐大魚

禁鯤鰠獸長麇麇鳥翼

鷓卵蟲舍蚍蜉蕃

庶物也古之訓也今

也別孕不教魚長

又行網罟貪無藝也

聞之曰吾過而里

革匡我不亦善乎是

咎也俾我得法有

司藏之使吾毋忘諭

仔侍曰燕罟不如

實里革於側之不忘

里革則猶之誣貪

者也徑而多致夫以

子為舜功者不攘

里革之瑜以價文子

乎

齊景公田於沛還坐

於

馳而造焉公曰唯據

與

據亦同也焉得和公

曰

異和如和羨焉水火

醢

君所謂可而有否焉臣獻其否以成其可  
 君所謂否而有可焉臣獻其可以替其否  
 是以政平而不乖民無爭心詩曰亦有和  
 羹既戒既平醜嘏無言時靡有爭先王之  
 濟五味和五聲以平其心成其政也聲亦  
 如味一氣二體三顛四濁大小短長疾徐  
 八風九歌以相成也清入周疏以相濟也  
 哀樂剛柔遲速高下出謂可據亦曰可君  
 君子聽之以平其心心平德和故詩曰德  
 音不瑕今據不然君所謂平德和故詩曰德  
 所謂否據亦曰否若以水濟水誰能食之  
 若琴瑟之專一誰能聽之用之近而之識履  
 是故諫有五而晏子皆擇射鸚者友也以  
 價諷也不誅祝史正也從也晏子之諫可  
 禮靖國直也爽鳩之樂樂人有獄魏戊不能  
 謂不墮者矣樂賂魏獻子將受  
 魏戊之為椽陽也椽陽人有獄魏戊不能  
 斷以獄上其大宗以女

之魏戊謂閻沒女寬曰王以不賄聞於諸  
 侯若受是賂賄莫甚焉吾子必諫皆許諾  
 退朝待於庭饋入召之比置三歎獻子曰  
 吾聞唯食忘憂吾子置食之問三歎何也  
 同辭而對曰或賜二小人酒不夕食食之  
 始至恐其不足是以歎中置自咎曰豈將  
 軍食之而有不足是以再歎及饋之畢願  
 以小人腹為君子之心屬厭而已獻子  
 乃辭椽陽人孝子不匱魏戊有焉朋爰攸  
 攝閻沒女寬有焉

范宣與蘇大夫爭田久而無成宣子欲攻  
 之問於伯華伯華辭以軍事問於孫林父  
 林父辭以旅人問於張老張老辭如伯華  
 問於祁奚祁奚辭以公族問於籍偃籍偃  
 辭如張老問於叔魚叔魚曰吾為子戮之  
 叔向聞之見宣子曰盍訪之訾祁乎訾祁  
 直而博且吾子之家老也於是司馬侯祁  
 午皆諫未聽乃問於訾祁訾祁曰昔隰叔

子違周難於晉國生子輿為理以正於朝  
朝無姦官為司空以正於國無敗績世  
及武子佐文襄為諸侯諸侯無二心及為  
卿以輔成景軍無敗政及為成師居太傅  
端刑法輯訓典國無姦民後之人可則是  
以受隨范及文子成晉荆之盟豐兄弟之  
國使無有間隙是以受郇欒今吾子嗣位  
朝無姦行國無邪民賴三子之功饗其祿  
位既無事矣而非蘇將何治為宣子悅乃  
益蘇田而與之平訾祁苑宣子歎之以為  
無所朝夕也故春秋無諫子若富辰里革  
晏子可謂不匱之臣矣自晏子而外其唯  
師曠乎

### 襄公十四年夏四月己未衛侯衎出奔齊

師曠侍於晉侯晉侯曰衛人出其君不亦  
甚乎對曰或者其君實甚良君將賞善而

刑浮養民如子蓋之如天容之如地民奉  
其君愛之如父母仰之如日月敬如神明  
畏如雷霆其可出乎夫君神之于而民之  
望也若困民之主匱神乏祀百姓絕望社  
稷無主將安用之弗去何為天生民而立  
之君使司牧之勿使失性有君而為之貳  
使師保之勿使過度是故天子有公諸侯  
有卿卿置側室大夫有貳宗士有朋友庶  
人工商皂隸圉牧皆有親暱以相輔佐也  
善則賞之過則匡之患則救之失則革之  
自王以下各有父兄子弟補察其政史為  
書瞽為詩工誦箴諫大夫規誨士傳言庶  
人謗商旅于市百工獻藝故夏書曰道人  
以木鐸狗于路官師相規工執藝事以諫  
正月孟春於是乎有之諫失常也天之愛  
民甚矣豈其使一人肆於民上以從其欲  
而棄天地之性必不然矣師曠之論則有  
所本也何本之有於里革之論晉厲公也

然言諫者至於師曠出君之論而置矣惜乎共世子之不遇師曠也

睦族章第十七

子云睦於父母之黨可謂孝矣故君子因睦以合族詩云此令兄弟綽綽有裕不令兄弟交相為瘡

隱公元年冬公子益師卒

二年夏無駭帥師入極

四年秋翬帥師會宋公陳侯蔡人衛人伐

鄭

五年冬十有二月辛巳公子彊卒

八年冬十有二月無駭卒

九年春挾卒

猶是公族也而進退異辭何也穀梁子曰惡者不日而有公子與不公子焉公羊子曰無駭始滅者也翬與弒者也或曰公子益師公子彊先公子也巳命者也無駭挾未命者也隱不爵命大夫則亦非先大夫矣非先大夫故不舉族左氏曰無駭卒羽父請謚與族公問族於衆仲衆仲對曰天子建德因生以賜姓胙之土而命之氏諸侯以字為謚因以為族官有世功則有官族邑亦如之公乃命以字為展氏夫是知公之不睦族也公自以為未君也諸公族不與爵命九年之中沒兩公子兩公族而



錫則其思去者衆矣且以氏錫僖伯則不  
 得不以氏錫無駭與挾不以氏錫無駭與  
 挾則亦不得以爵與羣無駭與羣猶之驟  
 服也鞫緩則皆叛矣故無駭者幸而先隕  
 也不幸而不先隕則入極之志必與鍾巫  
 發軔故鍾巫者入極之餘然也聖人未有  
 無故而疑其詞者也

隱公十年夏六月壬戌公敗宋師於菅辛未

取郟辛巳取防

秋宋人蔡人衛人伐戴鄭伯伐取之

左氏曰庚午鄭師入郟辛未歸于我庚辰  
 鄭伯入防辛巳歸于我君子謂鄭莊公於  
 是乎有禮以王命討不庭不貪其土以勞  
 王爵正也是則未為正也周鄭皆姬也郟

者文王之昭也穀梁子曰極亦姬姓也戴  
 亦姬姓也戴之姬姓何也曰陳留所謂戴  
 國也出於姬姬姓四十國極戴處二焉

冬十月壬午齊人鄭人入郕

左氏曰討違王命也郕亦文王之昭也蓋  
 自入極以來四滅同姓五月之間取文昭  
 之二族以為鄭人取之而魯鄭同罪且是  
 伐戴之師春秋歸於鄭伯取郟取防則未  
 嘗歸之鄭伯也入郕之惡分於齊鄭入極  
 之惡則不分於齊鄭也是皆我始之以為  
 齊晉之開塞自是而後晉獻興基晉滅虞  
 號文公創伯先執曹衛文武之昭穆自相  
 斬刈則實於隱公始也故坊記者記壞防  
 之所繇始也棠棣之詩曰是究是圖亶其  
 然乎角弓之詩曰爾之教矣民胥勸矣其  
 魯隱公之謂夫

桓公二年夏四月取郕大郕于宋戊申納于

### 太廟

左氏曰宋督已殺孔父而弑煬公召公子馮於鄭而立之以親鄭以郕大郕賂我齊陳鄭皆有賂焉夏四月我取大郕於宋戊申納於太廟臧哀伯所謂章賂者也記者之意則似以為憫郕也郕恃同姓弱而見侵故納郕於宋以資其援今既入其國又取其郕則非宋鄭滅郕而魯實滅郕也魯實滅郕春秋之所責也

桓公三年六月公會杞侯于郕

杞者亡國之後也郕者兄弟之親也會杞于郕則是縣郕也縣郕則謂郕不若紀也隱桓之間無令兄弟其是之謂與

莊公三年春王正月弱會齊師伐衛

左氏曰疾之也穀梁子曰弱者何也公子弱也其不稱公子何也夫在齊與魯同姓故昭而名之也夫在齊謂其魯與與魯無公于黔牟有公子故存春之王而去溺之公子是亦一道於陸族之說則未有凝也

莊公八年夏師及齊師圍郕郕降于齊師

公羊以為盛也蓋亦同姓也成非同姓也左氏不言同姓而直以為郕則是不諱同姓也左氏之義諱此而見彼若季文子之納宮僕不見之於傳而見於國語是也

閔公元年春王正月齊人救邢

邢者周公之後也邢有難而魯有內患  
 魯不能救而齊救之則魯之難而魯有內患  
 則魯無內患能救邢乎曰不能何知其不能  
 能也諸侯不相遺俘莊公六年魯受衛俘  
 諸侯異姓分姓同姓分患齊侯遷衛而魯  
 人不能具其雞豕以其受衛俘知其不能  
 救衛以其不能救衛知其不能救邢也然  
 則魯不若曹乎曹比之會曹宋同功而魯  
 無有曰魯之視曹猶之視戴郟部也可滅  
 則滅之矣不可滅則棄之矣復見於經  
 復見於經邾之復見於經邾之縣邾也

僖公二十有五年春王正月

丙午衛侯燬滅

邢

是禮至所救殺國子也邢

齊與狄伐衛則

致志也邢不滅於衛亦不滅於狄然卒不幸  
 不滅於狄而滅於衛蓋臣晉不死則未有  
 此也詩曰人之云亡心之憂矣管仲之謂

僖公二十有八年春晉侯侵曹晉侯伐衛

左氏曰晉侯將伐曹假道于衛衛人弗許  
 還自南河濟侵曹伐衛正月戊申取五鹿  
 二月晉郤穀卒原軫將中軍背臣佐下等  
 晉侯齊侯盟于斂孟孟衛侯請盟晉人弗許  
 衛侯欲與楚國人不欲故出共君以說于  
 晉衛侯出居于襄牛正月戊申出其日  
 也二月盟于斂孟則有其月也衛侯出居  
 于襄牛則有其地也然月春秋不書而書  
 兩晉侯何也曰有霸無下此非一日之故  
 矣非一子之故何也晉侯出於翟將入齊  
 行過五鹿乞食於野人野人舉塊以與之  
 子犯曰天事必象十有二年必獲

此土於是十二年矣及... 齊入楚行過衛  
 衛有邢翟之虞不能禮焉... 衛之穆也周之  
 疾曰康叔文之昭也唐叔... 實昌晉胤八子  
 大者在武天胙將在武族... 必公子也齊侯  
 聚者必武族也武族唯晉... 不禮焉其齊  
 實德天胙有德晉之守祀... 微其而觀之  
 弗聽自衛過曹曹具公亦... 觀晉公子賢人  
 曹欲觀其狀謀其將浴故... 一人必得晉國  
 也其從者皆國相也以相... 誅也少鮑叔牙  
 得晉國而討無禮曹其首... 之愛親明賢政  
 壁焉負驕謂曹伯曰臣聞... 也先君叔振出  
 之幹也禮賓於窮禮之宗... 也二王之嗣世  
 自文王晉祖唐叔也自... 親也晉公子生  
 不疑親今君棄之是不愛... 之實謂賢矣而  
 十七年而亡卿材三人... 子之不可不  
 不疑親今君棄之是不愛... 也二王之嗣世  
 十七年而亡卿材三人... 子之不可不

瓦是施玉帛酒食猶糞土也愛糞土以毀  
 三常無乃不可乎曹伯不聽於是晉侯伐  
 之然則春秋不許晉侯乎曰王者在上亦  
 有不睦之刑不睦無禮伐之是也然而已  
 遯已遯則猶之不睦也若不得併口而伐  
 之然穀梁子曰再稱晉侯忌也忌之為言  
 意也急也然則鄭亦不禮而未伐之何也  
 曰疑楚也曰首止之會王將以鄭和楚鄭  
 於是逃盟而疑之何也曰自洮而後五會  
 矣晉未執牛耳焉鄭伯相王蘭又在晉是  
 以遼緩之然則鄭之後伐公子蘭之為也  
 不然難乎其三書晉侯也

僖公三十年秋晉人秦人圍鄭

是晉侯秦伯也而人之何也曰不專為怨  
 也故散之為其貳楚也而討之則晉侯不  
 任受過不任受過而又不是以服楚則散  
 矣秦伯聽燭之武戍鄭而還則是秦貳也

秦以壹出而以貳終之將為秦諱故并諱  
 晉焉曰猶之未嘗討鄭云耳  
 晉侯之初過鄭也鄭文公亦不禮之叔詹  
 諫曰臣聞之親有天子用前訓禮兄弟資窮  
 困天所福也今晉公子有三胙焉天將啓  
 之同姓不婚惡不殖也狐氏出自唐叔狐  
 姬伯行之子也晉生重耳成而僑才離違  
 而得所以久約而無釁一也同出九人唯重  
 耳在離外之患而晉國不靖二也晉侯日  
 載其怨外內棄之重耳日載其德狐趙謀  
 之三也吾先君武公與晉文侯勦力一心  
 賤肱周室夾輔平王平王勞而德之賜之  
 盟質曰世相起也若親有天獲三胙者可  
 謂大天若用前訓文侯之功武公之業可  
 謂前訓若禮兄弟晉鄭之親王之遺命可  
 謂兄弟若資窮困還軫諸侯可謂窮困棄  
 此四者以徼天辭無乃不可乎

文公十有二年春王正月邾伯來奔

溺伐衛齊救邢燬滅邢皆書王正月故知  
 春秋之厚邢邾也厚邢邾則邢邾可以不  
 亡然則是邾太子也而爵之何也曰國喪  
 無君太子可以爵矣故爵之然則滕杞皆  
 侯也而子之邾伯初喪實子也而伯之春  
 秋蔑喪以爵小國是母乃濫乎曰是文之  
 昭也無故而失國王不能爵則魯爵之魯  
 不能爵則春秋爵之魯不得請之王春秋  
 得以請之天然則魯以侯禮迎邾子而左  
 氏以為非禮何也魯不能存邾則亦不能  
 存邾又具禮焉不如從春秋而請之天故  
 邾伯之爵春秋之刑代天也

成公四年夏公如晉秋公至自晉

左氏傳曰夏公如晉晉侯見公不敬季文  
 子曰晉侯必不免詩曰敬之敬之天維顯

思命不易哉晉侯之命在諸侯矣可不敬乎秋公至自晉欲叛晉而未成於楚季文子曰不可晉雖無道未可叛也大臣睦而邇於我諸侯聽焉未可以貳史佚之志曰非我族類其心必異楚雖大非吾族也其肯字我乎公乃止故富辰甯漱僖負羈鄭叔詹季文子此五臣者猶不忘睦族之誼也

### 襄公二十有九年夏杞子來盟

左氏曰晉侯使司馬齊來治杞田弗盡歸也悼夫人愠謂女齊受貨公告叔侯叔侯曰虞虢隗滑霍揚韓魏皆姬姓也晉是以大武獻以下兼國多矣誰得治之杞夏餘也而即東夷魯周公之後也而睦於晉以杞封魯猶可而何討焉魯之於晉也職貢不乏玩好時至公卿大夫相繼於朝如是可矣何必瘠魯以肥杞故女叔齊亦有睦

族之誼焉然以為職貢玩好也棠棣之詩未之思焉耳

### 定公六年春二月公侵鄭公至自侵鄭

左氏曰公侵鄭取匡為晉討鄭之伐胥靡也往不假道於衛及還陽虎使季孟自南門入出自東門舍於豚澤衛侯怒使彌子瑕追之公叔文子老矣輦而如公曰充人而効之非禮也昭公之難君將以文之舒鼎成之昭垂定之聲鑑苟可以納之擇用一焉公于與二三臣之子諸侯苟憂之將以為之質此羣臣之所聞也今將以小忿蒙舊德無乃不可乎太姒之子唯周公康叔為相睦也而效小人以棄之不亦誣乎天將多陽虎之罪以斃之君姑待之乃止故如衛公叔發可謂綽綽有裕者矣

### 敬辨章第十八

子云於父之執可以乘其車不可以衣其衣君子以廣孝也子云小人皆能養其親君子不敬何以辨子云父子不同位以厚敬也書云厥辟不辟忝厥祖

夫是其為衛事發與為衛事發何也君子舉其所見以倣其所不見者祖孫君臣父子之義一也而又廣之若衛事之類是也

定公十四年秋衛世子蒯瞶出奔宋

哀公二年晉趙鞅帥師納衛世子蒯瞶于戚

三年春齊國夏衛石曼姑帥師圍戚

公羊子曰齊國夏曷為與石曼姑帥師圍戚霸討也此其為霸討柰何曼姑受命乎靈公而立輒以曼姑之義為固可以拒之也輒者蒯瞶之子也蒯瞶為無道靈公逐蒯瞶而立輒然則輒可以立乎曰可其可柰何不以父命辭王父命以王父命辭父命是父之行乎子也不以家事辭王事以王事辭家事是上之行乎下也然則公羊子為衛君也穀梁子曰此衛事也其先國夏何也子不圍父也不繫戚于衛者子不有父也然則穀梁子不為衛君也何以斷之斷之以伯夷叔齊之讓中子也然而公子郢不可何也斷以子父不姦之義也然則蒯瞶之書世子春秋與蒯瞶乎曰與世子也非與蒯瞶也蒯瞶攘父車而衛輒攘父衣也

桓公十有一年突歸于鄭

鄭忽出奔衛

是兄弟也而有父子焉鄭忽之乘父車與突之衣父衣皆非父所命也猶贖輒之無命也見父則不見衣與車見衣與車則不見父突忽所見皆鄭也不見莊公莊公所見諸寵也猶不見子故忽以鄭為車突以鄭為衣不得曰忽突以莊公為父莊公以忽突為子也然則忽之復稱世子何也曰等而視之忽與突也久而察之忽則世子也突則伯也從鄭人之所見而已矣

桓公十五年五月鄭伯突出奔蔡

鄭世子忽復歸于鄭

秋九月鄭伯突入于櫟

舍車而乘其衣猶謂之鄭伯舍衣而乘其車猶謂之鄭世子春秋於此何取乎使突可伯則初歸鄭而已伯使忽可世子則初奔衛而已世子又遲於四五年之後而後伯世子之使人疑鄭伯之於世子也曰春秋之意不欲以鄭定伯與世子也欲使天定之天定之不可而後與鄭焉國無兩主君不同位必欲盡去其伯與世子則又難乎世之為諸侯者也如與之使少有辨焉而已矣然則鄭突之與衛朔同辭何也曰均非天之所定也均非天之所定則當以國定之而子儀黔牟不表於春秋何也曰春秋不許羣公子之自為國也然則春秋許子糾與曰子糾亦非世子也子糾之稱子小白之稱齊猶子糾之車車而小白之衣衣也視其所終為之見袂軾焉耳

僖公五年夏公及齊侯宋公陳侯衛侯鄭伯



許男曹伯會王世子于首止

秋八月諸侯盟于首止

穀梁傳曰無中事而復舉諸侯何也尊王世子而不敢與盟也尊則不敢與盟何也盟者不相信也不信則不敢與盟何也諸侯也不能朝天子是不臣也王世子子也塊然受諸侯之尊已而立乎其位是不子也桓不臣王世子不子而善之何也是則變之正也天子微諸侯不享覲桓控大國扶小國統諸侯不能朝天子又不敢致天王尊王世子於首戴所以尊天王之命也世子受諸侯之尊已而天王尊矣故世子受之可也越哉穀梁子之為禮也王室未定世嫡疑貳桓公率諸侯會王世子於首止以內折姦萌外壹眾志故會非朝也王曰朝世子曰會王世子之出會諸侯非

典也諸侯之進會王世子各致其志焉耳而穀梁子疑有擁立之事是猶以葵丘之會桓公擢笏而泣諸侯者也故乘其車不衣其衣父子不同位其辨亦取諸此也

僖公七年秋七月公會齊侯宋公陳世子欵

鄭世子萃盟于甯母

左氏曰盟于甯母謀鄭故也鄭伯使世子萃聽命于會言于齊侯曰洩氏孔氏子人氏三族實違君命若君去之以為成我以鄭為內臣君亦無所不利焉齊侯將許之管仲曰君以禮與信屬諸侯而以姦終之無乃不可乎父子不好之謂禮守命其時之為信違此二者姦莫大焉公曰諸侯有討於鄭未捷今者有釁從之不亦可乎對曰君若綏之以德加之以訓辭帥諸侯以討鄭鄭將覆亡之不暇豈敢不懼若總其

罪人以臨之鄭有辭矣何懼且夫合諸侯以崇德也會而外姦何以示後嗣夫子華既為太子而求介于大國以弱其國亦必不免鄭有叔詹堵叔師叔三良為政未可圖也齊侯辭焉子華以是得罪於鄭故管仲知所謂敬辨者矣子華既乘父車以會諸侯又奸父命以亂鄭國霸王所宜討也然且不討故晉文之學出於齊桓而齊桓特正也然則世子會諸侯不為父子同位乎曰其別之也下於諸侯一等其為父命也不然不會

八年春王正月公會王人齊侯宋公衛侯許

男曹伯陳世子欵盟于洮鄭伯乞盟

穀梁子曰王人之先諸侯何也貴王命也朝服雖敝必加于上弁冕雖舊必加于首

周室雖衰必先諸侯然則乞盟者子華乎抑鄭伯乎公羊子以為子華在會鄭伯請與子華姦命而又在會鄭伯不出而又書鄭伯則是子父殺亂也左氏曰襄王定位而後發喪益當莊僖之時子父殺亂始於王室而鄭衛從之故鄭衛王風詩相次者是春秋之義也

僖公九年夏公會宰周公齊侯宋子衛侯鄭

伯許男曹伯于葵丘

穀梁子曰天子之宰通于四海宋其稱子何也未葬之辭也禮柩在堂上孤無外事今背殯而出會以宋子為無哀矣然則管仲不辭宋襄公何也曰猶魯之不辭曹射姑也宋桓公七與齊桓之盟使子為終厥志又董之以王事宋子謂是金革也越禮

而與之不亦已亟乎曰熒於齊然也而有侈心

冬晉里克殺其君之子奚齊

十年春晉里克弑其君卓

奚齊則曰君之子卓則曰君奚齊則曰殺卓則曰弑何也曰春秋惡夫相殺之無已也物近而不相得則凶或害之奚齊近於申生卓子不近於申生奚齊或害卓子不或害均之非世子也而無以正里克之罪故以卓荀息正之是春秋之辨位也然則春秋與荀息乎曰殺荀息與里克同辭里克之於荀息敵也有君之子有君之臣非夫世子世臣也皆不免於死而里克之譎不若荀息之正也

僖公二十有八年五月癸丑公會晉侯齊侯

宋公蔡侯鄭伯衛子莒子盟于踐土

衛子者誰叔武也叔武非世子又無君喪而子之何也曰以喪禮處之也晉立以為君罪不至於降爵上假天王下資通國書侯則無等也書名則汶其實故以喪禮處之若以君父奔楚之為哀痛也降服致齋以聽天子之命是不已同位乎曰霸王為之天王下勞春秋正辭春秋不正辭則必曰衛侯叔武是國有二主也然則剽衍之有二主何也曰一出入不在王會則以國為辭以國為辭無霸之義也然則天王狩於河陽何義也曰父坐子立乘其車不衣其衣之義也

僖公二十九年夏六月會王人晉人宋人齊

人陳人蔡人秦人盟于翟泉

左氏曰夏公會王子虎晉狐偃宋公孫固齊國歸父陳轅濇塗秦小子憇盟於翟泉尋踐土之盟且誅伐鄭也在禮卿不會公侯會伯子男可也是為諱公者發也公會王子虎以及諸侯之卿公與王子未亂位也而春秋猶諱之是春秋之辨也敬而養志謂公雖執牛耳而無所當於盟王也然且以是著於闕官

文公七年秋八月公會諸侯晉大夫盟于扈

左氏曰齊侯宋公衛侯陳侯鄭伯許男曹伯會晉趙盾盟于扈晉侯立故也公後至故不書所會凡會諸侯不書所會後也豈至不書其國避不敏也夫扈之會非正也以七國之諸侯特會晉之大夫則是以君與趙盾也以君與趙盾則公可以不會故略之非直公略之七國之公侯亦宜略之何也是皆父執也然則公子遂會晉趙盾

盟于衡雍可謂養志乎曰公子遂何養志之有春秋別之各車其車焉耳

十有六年春季孫行父會齊侯于陽穀齊侯

弗及盟

六月戊辰公子遂及齊侯盟于鄆丘

季孫行父則不盟公子遂則盟何義也曰襄仲賂也賂則可以同位乎曰衰世之政也自垂隴而然垂隴之盟公孫敖始會陳鄭自是諸侯同會趙盾于扈于新城而齊侯曰父執也其勝霸之餘乎而卒以賂亂故晉之多取賂於諸侯亦宗國之教也

昭公二十有二年夏六月王室亂

王室之亂不於是始也而於是焉書亂者蓋自是無霸矣王子猛與王子朝奔絀而

書名子朝又以其偏詞煥於諸侯故子父之辨位不可不審也王室四亂皆始於子父之不辨位也而鄭衛齊晉効之桓王子克莊王子頹惠王子帶景王子朝是也齊晉中亂而獲霸功鄭衛中亂而不至於亡是皆有桓文之力焉至於晉平齊景而衰矣春秋尊文王而哀周公則於是始也以王子句之微也而書曰天王居於翟泉天王入於成周以昭公之親也而一曰公在乾侯再曰公在乾侯謂桓文之功仲尼不道則亦未之有也夫以首止河陽亦猶有亂位之事乎去首止河陽則亦無以廣孝無以享敬故春秋者以廣孝敬為義不以正名法為義也猶屈軼之不為瑞草也

### 敬老章第十九

子云父母在不稱老言孝不言慈閨門之內戲

而不歎君子以此坊民民猶薄於孝而厚於慈

子云長民者朝廷敬老則民作孝

舊凡二節

是為曹伯之使其子射姑也身在負茲而輕越其子射姑冀大國之援而不辭其父施伯之所性也是為僭括之欲立佞夫也除服而見志在朝柄不感而願大聲聞於外是公子愆期之所欲殺也是為晉人之食絳老人也不鄙其瘦言而遺佚是嫌是為鄭人之用燭之武也秦人之用蹇叔也詢是黃髮皓灌與謀是為周襄王之錫桓公也曰叔父耄老勿使下拜是為楚子之泣於乾谿也曰天下有愛子如予者乎又曰予殺人子多矣能無及乎然則小人養親何謂也謂夫許買之以親嘗藥者也

### 追孝章第十九

子云祭祀之有尸也宗廟之有主也示民有事也修宗廟敬祀事教民追孝也以此坊民民猶忘其親

是其為文公與文公慈惠懈于有位公孫敖叔孫得臣公子遂季孫行父為政政繇四卿祭則繇公四卿者未嘗為尸而嘗為公也

### 文公二年二月丁丑作僖公主

於是過葬十月矣公羊子曰王者居用虞主用桑練主用栗用栗者藏主也作僖公主何譏譏不時也其不時柰何欲久喪而後不能也穀梁子曰立主桑主於虞吉主於練作僖公主譏其後也作主壞廟有時曰於練焉壞廟壞廟之道易擔可也改塗

可也穀梁子所言壞廟者何也謂壞祧廟以夏新廟則必臯緩其事曠其時日易擔改塗則自五月而練已濟矣然則十月而後藏主其有躋僖公之心乎其有躋僖公之心何也諸侯五世去廟而祧自隱而僖五世矣惠公在位幾五十年隱公九會諸侯幾霸中夏疑於不祧焉魯人之意欲下閔公也而有所不敢故遷延於孝惠之祧廟而穀梁子以為易擔改塗焉可者則將在孝惠與將在閔廟與曰必在孝惠也閔為禰廟如之何以禰廟為祖廟也

### 八月丁卯大事于太廟躋僖公

大事于太廟蓋請之周公也秋嘗者魯祭之重者也僖公之頌曰秋而載嘗夏而福衡白牡駢剛犧尊將將白牡者周公之牲駢剛者魯公之牲也魯用禘祭以躋僖公

使閔公俛焉絀於其下蓋自魯公以來十  
五世矣僖公穆也而使為昭周公宜亦未  
之許也而仲尼獨存其詩者何也僖公作  
兩霸主再朝天王其薨也天王為之會葬  
錫命史克作頌仲尼採之則是可以大事  
矣然而難乎其為尸也禮廟立主祭立尸  
祖為之主則孫為之尸越禰而祖則將使  
公子遂叔孫得臣輩為之尸與將使仲孫  
茂公孫歸生輩為之尸與故主則易為主  
也尸則難為尸也事則易為事也禮則難  
為禮也公羊子曰大事者何大禘也大禘  
者何合祭也其合祭奈何毀廟之主陳于  
大祖未毀廟之主皆合升於太祖五年而  
再殷祭躋者何升也何言升僖公譏何譏  
爾逆祀也謂其先禰而後祖也是猶夫乘  
父之車而衣其衣者也

文公六年閏月不告月猶朝于廟

前此則皆告朔也春秋不書閏月二百四  
十二年得八十一閏而春秋取二焉春秋  
之法歸餘於終則猶冬十二月也文公六  
年書閏月不書十二月則猶之夏正月  
也凡閏月不得中氣中氣移於後月之朔  
則節氣在閏月之中一歲之羸十日九分  
積而漸退七閏之章中於十一前後間起  
也而春秋皆歸餘於冬春秋皆歸餘於冬  
則文公元年誤閏三月哀公十二年冬猶  
流大者何也曰是傳也非經也經哀公五  
年冬叔還如齊閏月葬齊景公則是終閏  
也冬有蚤之月益以一月閏則火西伏矣故春  
秋八十八閏舉其五者皆為歸餘戰國之  
襲舛則有所本也然則閏可不告朔與曰  
閏年於氣朔生於月朔之有閏日月星氣  
之合也始以之始中以之中終以之終朔  
之有閏猶祀之有尸廟之有主也朝廟而  
不告朔猶灌鬯而不獻尸祫祭而不迎主

也故文公之過文而過非質而過也易於變禮而不達其本亦猶夫公穀之謂天無是月喪事不數通可以已者也然則春秋不日告朔而日告月何也日月者民事之所從生也民受精於日而成形於月月歲十二交隱其資始而著其資生至於閏而著矣閏者王正之門也非是則無以成歲故二典之所致慎也

### 十有三年秋世室屋壞

公羊子曰世室者何魯公之廟也周公稱太廟魯公稱世室羣公稱宮魯公之廟曷為謂之世室世世不毀也周公何以稱太廟于魯封魯公以為周公也周公拜乎前魯公拜乎後曰生以養周公也周公為周公王然則周公之魯乎曰不之魯封魯公以為周公王周公之不之魯欲天下之一于周也魯祭周公何以為牲周公用白牲魯

公用禘禘禘禘公不毛魯祭周公何以為盛也公盛魯公禘禘公稟世室稟何以禘哉何幾爾久不修也穀梁子曰宗廟之事君親割夫人親春敬之至也也禮之至而先君之廟壞禮稱之志不敬也然則燹宮武宮可以不壞乎曰燹宮武宮可以不壞則桓宮僖宮可以下處曰燹宮以燹為無以為尸則無以為事矣燹非所論於太室之道也

### 十有六年夏五月公四不視朔

四不視朔則王正視朔也王正視朔則猶知有王也春陽穀之會公不肯會齊侯齊侯亦不會行父行父以疾歸公公亦以疾自與也公之以疾自與何也歸惡於齊侯也齊侯弑其君舍而執其君毋及我大夫一載之內再侵吾疆是而與之會則



吾若不與之會則虔劉我西... 姑妻之行  
父仲遂行父必曰仲遂也能公... 於是視與  
自與也然則公不視朔是乎日... 四不視與  
則已過矣魯秉禮之國也其或... 有他難與  
猶以祀事自免也而秦先王之... 朔廢朝廟  
之典使後世襲之以為故常是... 則文公之  
過也然則齊何曰天下之... 慎吾封疆  
唯禮也以商人之逆寄生不榮... 與我者不  
正辭以折之縱不能討天下之... 竟無所伸  
其說則是行父子遂之罪也然... 則居者有  
疾有者有事其告月之禮如何... 日行者借  
廟而朝之居者宗祝致其辭

食義章第二十一

禮云敬則用祭器故君子不以非禮... 禮不以美

及禮故食禮主人親饋則客祭... 人 不親饋則

各小祭故君子苟無禮雖美不食... 焉 易曰東隣

祭不如西隣之禴祭寔受其福... 詩云既醉以

酒既飽以德以此示民民循爭... 利而忘義

文公二年三月乙巳及晉處父... 盟

誰及之及之公及之而不書... 所以辨位

三年冬公如晉十有二月己巳... 公及晉侯盟

左氏曰處父之盟晉侯懼其無... 禮於公也

請改盟公如晉及晉侯盟晉侯... 公賦菁

菁者夜華也叔以公降拜曰小... 國受命於大

小國之樂大國之惠也晉侯降辭登成拜  
公賦嘉樂是不瘵禮亦不沒禮也善哉晉  
襄公之悔也猶有桓文之遺焉至於靈平  
曾幾不得於諸侯

### 四年衛侯使甯俞來聘

左氏曰衛甯武子來聘公與之宴為賦湛  
露及彤弓不辭又不答賦使行人私焉對  
曰臣以為肆崇及之也昔諸侯朝正於王  
王宴享之於是乎賦湛露則天子當陽諸  
侯用命也諸侯斂王所饋而獻其功王於  
是乎賜之彤弓彤矢百旅馬矢千以書  
報宴今甯俞來衛舊好不辱明之其敢干  
大禮以自貶矣知禮矣禮  
叔之聘晉則於此時也  
成公二年晉侯使甯神獻齊捷於  
書為非禮也王弗見使單襄公辭焉曰  
夷戎狄不式王命淫酒以常王師伐之則

有獻捷王親受而勞之所以懲不敬勸有  
功也兄弟甥舅侵敗王略王命伐之告事  
而已不獻其功所以敬親暱禁淫慝也  
叔父克遂有功于齊而不使命卿鎮撫王  
室鞏伯寔來未有職司於王室又好先王  
之禮余雖欲與鞏伯其敢瘵舊典以忝叔  
父夫齊甥舅之國也而太師之後也寧不  
亦淫從其欲以怒叔父抑豈不可諫誨士  
莊伯不能對王使委於三事禮之如侯伯  
克敵使大夫告慶之禮降於卿禮一等王  
又宴鞏朔而私賄之使相者告曰非禮也  
勿籍周室雖衰故典猶在詩曰雖無老成  
人尚有典刑蓋謂此也  
晉侯使隨會聘於周定王饗之餞丞原公  
相禮范宣子私於原公曰吾聞王室之禮  
無毀拆今此何禮也原公以告王召士季  
曰子弗聞乎禘郊之事則有全丞王公立  
餞則有房丞親戚宴饗則有餞丞今女非

它也叔父實使士季來修舊德以弊王室  
 唯是先王之宴禮欲以貽女余一人敢設  
 飫禘焉以于舊職而亂前好且唯夫戎翟  
 則有體薦其體氣不治若身獸焉適來班  
 貢不俟馨香嘉味故坐諸門外使吾人體  
 委與之女今王室之一二兄弟以時相見  
 將蘇協典禮以示民訓則無亦擇其柔嘉  
 選其馨香潔其酒醴品其百籩酬幣宴貨  
 以示容好胡有孑然其効戎翟也武子不  
 敢對退歸乃講三代之典禮修執秩以為  
 晉法甚矣隨武子之似而獻子也非不廢  
 禮沒不沒禮蓋王者所醉飽天下也  
 成公十二年冬晉郤至如楚聘且涖盟楚  
 子饗之子及相為地室而縣焉郤至將登  
 金奏作於下驚而走也郤至曰君不忘先  
 寡君之好施及下臣賦之以大禮重之以備  
 樂如天之福兩君相見何以代此下臣不

敢子及曰如天之福兩君相見無亦唯是  
 一矢以相加遺焉用樂郤至曰若讓之以  
 一矢既之大者何福之為世之治也諸侯  
 問於天子之事則相朝也於是乎有享宴  
 之禮享以訓其儉宴以示慈惠恭儉以行  
 禮慈惠以布政政以禮成民是以息百官  
 承事朝而不夕此公侯之所扞城其民也  
 故詩曰赳赳武夫公侯干城及其亂也諸  
 侯貪冒侵欲不思爭尋常以盡其民略其  
 武夫以為已腹心爪牙故詩曰赳赳武夫  
 公侯腹心天下有道則公侯能為民干城  
 而制其腹心亂則反之吾子之言亂之道  
 也不可為法然吾子主也至敢不從郤至  
 可謂無禮雖美不食者矣

襄公四年夏叔孫豹如晉

左氏曰穆叔如晉報知武子之聘也晉侯  
 享之金奏肆夏之三不拜工歌文王之三

又不拜歌鹿鳴之三三拜韓獻子使行人  
 子員問之對曰三夏天子所以享元侯也  
 使臣弗敢與聞文王兩君相見之樂也臣  
 不敢及鹿鳴君所以嘉寡君也敢不拜嘉  
 四牡君所以勞使臣也皇皇者華君教使  
 臣曰必諗於周臣獲五善焉敢不重拜穆  
 叔則學於審武子者也武子婉而摯穆叔  
 詳而晰是皆近於飽德者也然則楚子之  
 歌大明韓起之賦我將皆非禮也而韓子  
 無譏何也口上民畏威節取焉耳不愈於  
 與處父交盟者乎詩曰雖無德與女式歌  
 且舞

教敬教睦章第二十一

子云七日戒三日齋承一人焉以為尸過之者  
 趨走以教敬也醴酒在室醢酒在堂澄酒在下

示民不淫也尸歛三衆賓飲一示民有上下也  
 因其酒肉聚其宗族以教民睦也故堂上觀乎  
 室堂下觀乎上詩云禮儀卒度笑語卒獲

夫為春秋者亦有侑尸之義與曰無之無  
 之則所云教敬教睦者何也曰為盟會之  
 事也盟會之有主也神明之附也微而王  
 人尊而侯伯貴而列卿賤而大夫相示以  
 敬相示以睦故三王之道有所不廢也若  
 盟主之與公尸是也

莊公十有三年春齊侯宋人陳人蔡人邾人

會于比杏

是衣裳之始會也宋陳蔡邾首尊齊侯以  
 為盟主衛遂未之從也然而衛歸猛獲則

從之矣誅不從而首滅遂夫為尸者亦有澄酒之心乎

### 冬公會齊侯盟于柯

公羊子曰何以不日易也其易柰何桓之盟不日其會不致信之也其不日何以始乎此莊公將會乎桓曹子進曰君之意何如莊公曰寡人之生則不若死矣曹子曰然則君請當其君臣請當其臣莊公曰諾于是會乎柯莊公升壇曹子手劍而從之管子進曰君何求乎曹子曰城壞壓境君不圖與管子曰然則君將何求曹子曰願請汝陽之田管子曰君許諾桓公曰諾曹子請盟桓公下與之盟已盟曹子標劍而去之要盟可犯而桓公不欺曹子可讎而桓公不怨桓公之信著於天下自柯之盟始焉然而曹沫之能得於柯犁彌之能不可得於夾谷桓公之信下盟於

公之信不動而著於天下則教敬教睦之道異也

### 定公十年春王三月及齊平

### 夏公會齊侯于夾谷

夾谷之會則亦不日也左氏傳曰夾谷之會孔丘相犁彌言于齊侯曰孔丘知禮而無勇使萊人以兵劫魯侯必得志焉齊侯從之孔丘以公退曰士兵之兩君合好而裔夷之俘以兵亂之非齊君所以命諸侯也裔不謀夏夷不亂華俘不干盟兵不偪好於神為不祥於人為愆義君必不然齊侯聞之遽辟之將盟齊人加於載書曰齊師出竟而不以甲車三百乘從我者有如此盟孔丘使茲無還揖對曰而不反我汶陽之田吾以共命者亦如之於是齊人來歸鄆龜陰之田夫以諸侯盟會神人聽

賭非朝伊夕而使匹夫裔夷昧眎其間禮  
儀笑語委之秕稗雖信猶無所獲申豐曰  
宗廟之中未施敬於民而民敬之其夫子  
之謂乎

莊公十有九年秋公子結媵陳人之婦于鄆

遂及齊侯宋公盟

桓公之盟也不致日不致諸侯不軟血欲  
從者從之夫有如是之盟者乎則猶之不  
盟也是猶之不訛士不擇日而祭也亦猶  
之不立阼不設位而迎尸也柯之會以其  
易而易之至於鄆而極矣夫猶以彭生子  
糾之事以失魯為恥者乎而使大夫會于  
霸主猶因酒肉而聚宗族也西鄙之伐則  
繇此矣謂其道之不足教敬也亦以長勺  
長其驕心

二十三年公如齊觀社

曹劌諫曰不可夫禮所以正民也先王制  
諸侯五年四王一相朝也終則講於會以  
正班爵之義帥長幼之序訓上下之節其  
間無繇荒怠夫齊棄太公之法而觀民於  
社君為是舉而往觀之非故業也天子祀  
上帝諸侯會之受命焉諸侯祀先王先公  
卿大夫佐之受事焉臣不聞諸侯之相會  
祀也祀又不法君舉必書書而不法後嗣  
何觀乎上不聽遂如齊故曰堂上觀乎室  
下觀乎上以是尸女使人無所奔走易曰  
闕觀女貞亦可醜也其是之謂與

二十有七年春公會杞伯姬於洮

左氏曰非事也天子非展義不巡狩諸侯  
非民事不舉卿非君命不越竟是亦穀梁

所謂尸女也承一人焉使人無所奔走其有酒肉之心乎然則公子結之勝陳人季子及之葬原仲亦君命與曰皆君命也非君命不著於經

閔公二年夏五月乙酉吉禘于莊公

公羊子曰其言吉何言吉者未可以吉也曷為未可以吉未三年也曷為未三年三年之喪實以二十五月其言于莊公未可以稱宮廟也曷為未可以稱宮廟在三年之中矣吉禘于莊公何以書譏何譏爾譏始不三年也然則三年矣有莊公之宮廟亦可以禘乎曰禘之賜為周公也非為魯公魯公從周公周公不從魯公也閔宮之頌曰周公之孫莊公之子龍旂承祀六轡耳耳春秋匪懈享祀不忒龍旂六轡天子之禮也魯之子孫不用天子之禮則龍旂六轡不出廟門迎尸送尸無以彰天王之

賜亦無以彰周公之德也故魯之羣公皆用之羣公亦從周公者也魯以禘嘗合祀於太廟從周公而用禮樂天下所不非仲尼不以為非也隱公考仲子之宮初獻六羽桓公不以為疑仲尼亦不以為疑也仲子之宮用六羽則桓宮亦必用六羽桓宮丹刻而用八羽則必以八羽而躋仲子之宮故魯之用大禮不自僖公始也其酌用侯禮自隱公始也春秋之賢隱公以為足與於禮樂魯人之尊桓公以為能張天子之賜也然則郊祀始於僖公與曰閔宮者奚斯所作也魯人郊禘祖后稷而宗周公其詩曰皇皇后帝皇祖后稷享以騂犧是饗是宜降福既多周公皇祖亦其福女公羊子之不譏禘而譏短喪是得於禮之正也然則周公后稷有尸與曰郊無尸而廟有尸時祭有尸而祫祭無尸然則三桓之堂亦有大禮與曰奚取之也子言之堂上

觀乎室堂下觀乎上然則魯公世室亦用大禮與曰駢獮者魯公之牲也后稷亦用是牲羣公不毛羣公從周公而不從魯公從太廟而不從世室是世室之所以壞也然而皆用八佾不八佾則魯公亦無以祀周公故曰禘廟六羽魯人之所不取也

僖公五年夏公及齊侯宋公陳侯衛侯鄭伯

許男曹伯會王世子于首止

是不日月之何也世子之出會諸侯諸侯之專會太子皆非禮也國危不事冢宰君老不事世子惠王將立子帶諸侯相率而朝王與宰周公正太子之位則子帶坐替無所用勤於首止也用勤於首止則是挾世子以命天王猶未有廟而先為尸也未有廟而先為尸則何以為主襄王之闕喪而定位則自此始也曹射姑之朝春秋書

曰曹伯使其世子射姑來朝春秋不書曹伯之使射姑則射姑歸而曹伯死射姑無以正其始魯人亦無以明其命也惠王不命世子而世子私會諸侯世子歸三年而王崩王崩而闕其喪惠王即有以正其終首止亦無以正其始也然則桓之會皆不日何也曰不致也首止之會何可不致也曰從頌之以待天下之諸侯然則洮之會王人葬丘之會宰周公孰為尸與曰王命為尸宰王人拊者也其非王命則桓公為尸然則是非世子與曰世子而繫之王則猶之王命也無王命無以號召於天下

八年秋七月禘于太廟用致夫人

公羊子曰用者何用者不宜用者也致者何致者不宜致者也禘用致夫人非禮也夫人何以不稱姜氏貶曷為貶譏以妾為妻也其言以妾為妻何益脅于齊媵女之



先至者也然則安知其非哀姜也曰哀姜之葬七年矣哀之則必致之是已致者也安知其非成風也曰成風後此尚三十年君立於阼階夫人出於東房君薦爵夫人薦豆君薨毋不入廟無所致之是未致者也然則何知其為聲姜也曰致之又明年公及夫人姜氏會齊侯于陽穀則是聲姜也詩曰令妻壽母宜大夫庶士邦國是自然則何知其妾也曰前此則未有致也大夫不納幣公不親迎然則葬丘之會致嚴於嫡妾而公與桓公首犯之何也曰楚女未至齊姜則自以為嫡也曰姜不勝芊蕪主定之固其所矣然則左氏之以為哀姜何也曰疑於莊公之未有夫人也宗廟之禮君立尸夫人不立尸君致詳夫人致略故聲子聲姜之事左氏疑於君夫人也

卒事章第二十二

子云賓禮每進以讓喪禮每加以遠浴於申雷

飯於牖下小斂於戶內大斂於阼賓於客位祖

於庭塋於墓所以示遠也殷人弔於壙周人弔

於家示民不借也子云苑民之卒事也吾從周

以此坊民諸侯猶有薨而不塋者

子云升自客階受弔於賓位教民追孝也未沒

喪不稱君示民不爭也故魯春秋記晉喪曰殺

其君之子奚齊及弑其君卓以此坊民子猶有

弑其父者

是為喪葬之禮與曰非為喪葬之禮也為  
 賊不得則不書葬幼君稱子幼子稱君  
 為人臣子不敢有遇賊不討遇幼主不君  
 使天子斷其法諸侯委其禮者也然則不  
 一事與二事與曰循之一事也春秋賊不  
 得則不書葬內亂不成禮不書葬踰年之  
 子稱君未殯之君稱子以禮立坊而託之  
 殯弔喪葬則循之一事也故慎終追遠不  
 借不爭是禮春秋諸侯見弑者二十有三其得  
 以治禮春秋諸侯見弑者二十有三其得  
 討賊而書葬者三四公而已其幼君十數  
 而得書君者卓子而已卓子不足為君奚  
 齊不足為君之子而春秋皆嚴其辭大其  
 事以子歸奚齊以君歸卓子示父命之不  
 可違君名之不可亂雖申生杜原款起而  
 不能奪也故坊記之記則必有取之也然  
 則喪禮每加以遠升自客階受弔於賓位  
 者何也言諸侯君喪未殯不當阼之禮也

然則其為子般子赤及昭公之喪與子般  
 子赤之喪何也子般殯莊公之喪三月矣  
 出於黨氏公子慶父使圉人犖殺之慶父  
 將以自與也季友不可乃立閔公於是莊  
 公七月乃葬閔公立二年慶父又使上齧  
 賊公於武闞慶父身弑二君而莫之敢討  
 也閔公又不得葬春秋不以慶父治慶父  
 而以里克治慶父里克殺一子弑一君猶  
 之亂命也而魯以治命亂之使莊公夷於  
 晉獻哀姜匹於驪姬是仲尼所不恣書也  
 子赤者何文公之子也文公薨已葬九月  
 矣子赤幾乎成君者也公子遂私於敬嬴  
 欲立宣公遂殺子赤及子赤之弟視夫使  
 晉史書之必曰公子遂弑其君赤及其君  
 之弟視而春秋稱曰子卒沒視不書春秋  
 不以里克治仲遂而以慶父治仲遂慶父  
 之弑一君殺一子猶有季友逐之奚斯哭  
 之仲遂之弑一君殺一子及一大夫惠伯

遂無有逐之哭之者及其死也猶為輟舞  
 於廟是仲尼之所深痛也深痛之而不書  
 之何也於國之史已書之矣猶晉之書里  
 克也夫非狐董者亦曰君奚齊君卓子率  
 焉耳而魯人巳書之乘禱机亦巳書之故  
 春秋不以慶父仲遂治慶父仲遂而以里  
 克治慶父仲遂也昭公既薨于乾侯賓不  
 得入則定公不得即位弔者無所弔葬  
 者無所葬則定公不得即位弔者無所弔  
 六越月矣又六日戊辰公乃即位又踰月  
 乃葬諸子曰踰年不言即位正棺於兩楹  
 之間然後即位遲之以年正之以日屬也  
 而又有禮焉諸子則以是為禮也仲尼則  
 以是為變也謂其不得浴於中霤飯於牖  
 下小歛於戶內大歛於阼賓於客位祖於  
 庭葬於墓弔於壙反弔於家升於客階受  
 弔於賓位也為人子不得此十於者而正

棺於兩楹之間則猶與仇讐而講旅獻者  
 矣故夫子私歎之又與諸弟子論道之乃  
 退而筆之春秋故奚齊卓子春秋之所發  
 端也夫魯之春秋當時則亦如此矣然則  
 事有背於此者乎曰有之春秋所以  
 開卷也魯隱公生不書即位沒不書葬其  
 生不書即位則必讓桓以為喪主升客階  
 受弔於賓位反哭耐廟皆從幼主以附棺  
 於兩楹之外沒不書葬則不得浴於中霤  
 飯於牖下小歛於戶內大歛於阼賓於客  
 位祖於庭葬於墓虞於壙反弔於家故其  
 即位無以正始薨葬無以正終也無以正  
 始無以正終則春秋之書元年春王正月  
 何也曰以春秋之義則可以正始可以正  
 終也其可以正始正終何也隱出於聲子  
 桓出於仲子以仲子為繼孟子者而聲子  
 之分先於仲子隱公不忍以嫡媵之分傷  
 惠公之志故以即位之義讓其弟以仲子

之貴請於天子天子之謂惠公仲子則隱  
 公之請隱公之義也而隱公又不自立子  
 然則隱公未有子與曰寫舍之既有死者  
 羽父之克無所加毒則不自為子也不  
 自為子而桓公以謀羽父以謀故春秋謂  
 桓公羽父亦有里克之義也然則里克非  
 正者與曰以里克之正也而猶不免於晉  
 史之書柰何以羽父之正而免於魯春秋  
 之書之也故春王之正仲尼欲以正天下  
 而先於魯正之也穀梁子曰隱十年無正  
 隱不自正也元年有正所以正隱也夫正  
 天下非為正隱也

隱公四年春王二月戊申衛州吁弑其君完

五年夏四月葬衛桓公

誰葬之衛子晉也是十四月乃葬然則州  
 吁之殺在四年九月又七月乃葬何也蓋

州吁死乃立宣公始就西階受弔行事又  
 五月乃葬緩矣而未備也是誰為之曰石  
 碯也石碯勸之入陳以求王命乃使陳人  
 其民石碯勸之入陳以求王命乃使陳人  
 執而殺之然則州吁不出於濮陳人又不  
 殺州吁則如何曰國人不和州吁多怨是  
 亦不能久有衛也而石碯惡夫厚之備從  
 必速殺之藉手於陳惜乎魯之無石碯也  
 然則時有季爰能為石碯乎曰不能其仲  
 弑一子一君而不能討也幾乎不免然則  
 石碯之殺其子季爰之醜其兄亦有幾等  
 與曰石碯有謀而季爰失序父兄之過皆  
 可以諫也而不諫討重於子牙則威殫於  
 慶父矣故曰惜乎魯之無石碯也然則隱  
 公無子羽父累上討羽父亦可及於桓公  
 乎曰歸獄於羽父亦可正位於桓公

桓公二年春王正月戊申宋督弑其君與夷

及其大夫孔父

三月公會齊侯陳侯鄭伯于稷以成宋亂

宋亂平則可以書葬矣而不書葬何也凡亂賊之興皆自謂正也羽父曰惠公殺則位宜與執華督曰穆公殺則位宜與馮聽其言則正也而行之則借故仁義之名非姦人所得借也不得之王命則得之君命不得之君命則春秋當命之春秋天也舉國所共為命也而羣小桀聚以為之命若翬帥師會宋陳蔡衛之伐鄭是也故春秋書曰公會齊侯陳侯鄭伯于稷以成宋亂宋亂之成華督柄宋而羽父柄魯故謂羽父弑宋殤公未有不可也

桓公十有二年秋八月壬辰陳侯躍卒

是次不葬者也其次不葬何也曰是有林杵曰之難焉且亦厲公也嫌於陳佗之為厲公故不葬厲公是以無陳作為素者乎

十有五年三月乙未天王崩

莊公三年五月葬桓王

是亦有王子克之難焉公穀皆曰改葬意之也以莊王之懟其父亦不至於七年而隱公之薨於是二十二年矣則亦已矣無有溝而合於公官者矣是春秋之所深痛也然則惠公亦改葬與曰隱公元年惠方練期何為其改葬也

八年冬十有一月癸未齊無知弑其君諸兒

九年春齊人殺無知

秋七月丁酉葬齊襄公

誰葬之桓公小白也誰殺無知雍廩也不與雍廩以討賊而使國共討之公羊子曰春秋君弑賊不討不書葬以為無臣子也子沈子曰君弑臣不討賊非臣也子不復讎非子也葬者生者之事也春秋君弑賊不討不書葬以為不繫乎臣子也故殺無知則襄公可以葬矣且大桓公以葬襄公所以教為人子而宏父業者也

十有二年秋八月甲午宋萬弑其君捷及其

大夫仇牧

冬十月宋萬出奔陳

路陳人乃殺宋萬是非正討也故不書葬宋閔公不難乎其為桓公平曰桓公之志

不在於葬閔公也

僖公九年春王正月丁丑宋公御說卒

夏公會宰周公齊侯宋子衛侯鄭伯許男曹

伯于葵丘

是宋子也葬其父而以衰經潤於衣裳是猶之以弑者乃使其父不以葬著於春秋曰是自葬矣曰雖葬非宋襄公之志也故為父而葬葬以禮為子而葬葬以志

九月甲子晉侯詭諸卒

晉獻公之不書葬亂也無晉之亂而不書葬則是與亂同事也與亂同事則春秋亦以亂治之矣獻公啓既四君二十年其事免於弑猶孽身之逃羿也

十有四年冬蔡侯胙卒

是不與蔡也不與蔡而亦不與宋故楚宋之爭鬪皆亂也胙與甲午亦皆春秋之所治也穀梁子曰諸侯時卒惡之也惡其從楚也夫春秋則亦有惡乎

十有七年冬十有二月乙亥齊侯小白卒

十有八年秋八月丁亥葬齊桓公

危矣乎其幾為陳厲公也晉獻公也七日而殯也月乃葬誰葬之曰齊公也考公與於紇平曰不也試易可立無虧即也已奔宋故以葬也齊公也

二十有三年夏五月甲寅宋公致父卒

宋襄公之不葬謂其不葬宋桓公也桓公下書葬則不得書襄公之不葬也

之心則成公無葬之事也夫亦責襄公而已矣故公羊子謂之也然則春秋諱襄公乎曰春秋天子何諱之有然則其為桓公諱何也曰痛桓公不得痛隱公也痛隱公而諱桓公故謂者之與王交治也

冬十一月杞子卒

不葬謂其用夷禮也用夷禮者何蓋猶長其夏肆焉

二十有四年冬晉侯夷吾卒

惠公之不葬亂也懷公不得葬惠公春秋所不討也

二十有八年陳侯款卒

陳蔡一也陳侯初如會退而薨如之何葬曰陳子蒲五月而與於溫夫有宋襄公

之心乎為天子伸大義而使人舍親之憂  
就於盟如其為人子者亦舍首杖塞塞  
而從之則足與亂同事也故與亂同事  
春秋之所治也若葵丘之有宋子溫之有  
陳子是也皆以盟主而遺其親

三十一年夏四月己丑鄭伯捷卒

公子瑕之亂也楚人將納公子瑕覆於周  
氏之注乃殺子瑕是非與亂同事也然猶  
不得時葬則亦春秋之所闕也故春秋不  
惡其人而惡其事不問其人而問其時

三十三年十有二月公至自齊

乙巳公薨于小寢

文公元年夏四月丁巳葬我君僖公

是不為緩而左氏以為緩何也謂緩作  
非是緩於葬也

七年夏四月宋公壬臣卒

宋人殺其大夫

昭公居葬未殯而去羣公子穆襄之族率  
國以攻公宮六卿和公室乃即位而葬於  
是羣公子不在喪位則猶之不成喪也是  
為禮討也故有討禮討事討人討時

八年秋八月戊申天王崩

九年二月辛丑葬襄王

是以閏則亦八月以桓文之功功襄王故  
襄王之喪春秋之所貴也

十有三年夏五月壬午陳侯朔卒



邾子蘧蔭卒

是皆內多故焉不然則已懈或曰邾子知命遷繹而民不怨立獲且而晉不敢亂夫是邾子也嘗用鄆子於次睢之社是可以不葬如之何其知命也

十有四年夏五月乙亥齊侯潘卒

九月齊公子商人弑其君舍

舍之賊未可得也則自夏歷秋亦不可殯齊桓之烈再世而三弑其君則其內訓薄而本計失也或曰哀魯也魯不能治齊又從服焉故謂之哀魯也

十有六年冬十有一月宋人弑其君杵臼

十有八年夏五月戊戌齊人弑其君商人

宋弑杵臼焚於孟諸齊弑商人納諸竹中是可以不葬也而使寫舍鍾巫與之同例是聖人之所痛也然則杵臼之賊壓於祖房商人之賊壓於兄同斷乎曰同亂而已

冬十月子卒

莒弑其君庶其

子赤之賊未可得也庶其之賊則固在魯矣逸而之齊是行父之過也行父之於趙盾未減乎而猶以舜功自居故庶其之於行父同斷也

宣公二年秋九月乙丑晉趙盾弑其君夷臯

四年夏六月乙酉鄭公子歸生弑其君夷

是兩夷生也以穿歸獄於趙盾猶以宋歸獄於歸生也是皆不足以葬猶羽父共仲

也之未死也十年鄭改葬幽公則猶之不葬

二年冬十月乙亥天王崩

三年正月葬匡王

亦猶之桓王也舉緩則已緩舉促則已促  
衰王不治政令霸王不治禮樂

九年九月辛酉晉侯黑臀卒于扈

冬十月癸酉衛侯鄭卒

兩成公之不葬謂其遠魯也亦其為禮不  
足以葬

十年夏五月癸巳陳夏徵舒弑其王平國

十有二年春葬陳靈公

是亦可以瘞日月也是蓋二十月矣則不  
知其為何月與衛桓公齊襄公內訌者也  
陳靈公外訌者也外訌過於大祥而猶得  
書葬公羊子曰訌此賊者非臣子也何以  
書葬君子辭也楚已訌之矣臣子雖欲訌  
之無所訌也以楚之訌怨臣子之訌惜乎  
其不以哀姜之訌為襄仲之訌也

十有八年秋甲戌楚子旅卒

楚莊不書卒則難乎其為賢君也楚莊書  
葬則難乎其稱公也生可以子正其實沒  
不可以公矯其名正其名者隱其實雖在  
吳越則亦猶此矣

成公十有四年冬秦伯卒

秦無亂焉而不葬何也秦桓公既敗令狐  
之盟召狄與楚欲道以伐晉於是晉使呂

相絕秦然則春秋惡惡止於其身肆怨死  
者之罪晉絕秦而春秋絕之何也曰春秋  
本魯者也魯奉霸王之令不賻不祔則春  
秋亦不得賻祔之矣然則秦穆之親賻祔  
而卒葬不及秦穆何也曰是所謂惓惓而  
栗者也

十有五年夏六月宋公固卒

秋八月庚辰葬宋共公

何其速也殺梁子曰葬共姬不可不葬共  
公姬從公者也公非從姬者也且共姬未  
卒是為蕩澤之亂也桓族將有事而先葬  
其公猶突忽將有事而先葬莊公也故既  
亂之生必先自壞禮始也其朕毳先見而  
衆莫之察若鄭之葬莊公宋之葬共公皆  
以諸侯而降大夫之禮者也

十六年夏四月辛未滕子卒

是何傲也猶隱公八年夏六月辛亥宿男  
卒也生細而沒大以細則有其日月以大  
則去其名或曰從其計也而爵則不計甚  
矣國之無人也以文王之昭闕於禮法而  
卒與宿男伍故禮者弘人之道也爵者非  
弘人之道也

十七年十二月邾子貜且卒

是猶之遽蔭也

十八年春王正月晉殺其大夫胥童

庚申晉弑其君州蒲

是葬于翼東門之外以車一乘是亦賊也  
可以不討乎曰舉臣而弑其君則罪在臣

舉國而弑其君則罪在君罪在君則其不  
 葬者在君罪在臣則其不葬者在臣然則  
 春秋與藥書與曰何為其與藥書也然則  
 春秋不與悼公與曰何為其不與悼公也  
 晉悼公之再霸十五年又八年而藥氏滅  
 於是仲尼始生天覆藥氏厲公改葬則州  
 蒲之賊亦可以不討也故齊以桓公葬諸  
 兒晉以悼公葬州蒲繼事之大夫於殺賊

襄公元年九月辛酉天王崩

二年春王正月葬簡王

是五月也是以天王而降諸侯之禮天王  
 而降諸侯甚於諸侯而降大夫者也

六月庚辰鄭伯論卒

鄭成公何以不葬猶之蔡穆公也蔡侯賅  
 鄭伯論皆以從楚不葬則是春秋不怨死

者也曰春秋怨死者而官命未改則彼自  
 取之成公卒不一月而晉人謀鄭不五月  
 而滅虎牢則是鄭不得息肩也不得失肩  
 則何書葬之有

七年冬十有二月鄭伯髡頑如會未見諸侯

丙戌卒于鄆陳侯逃歸

八年夏葬鄭僖公

鄭僖公之卒弑也誰弑之鄭子駟弑之子  
 駟未討而書葬何也曰志正也其志正何  
 也楚圍陳晉會諸侯于鄆將以救陳陳侯  
 逃歸以自救也鄭伯不逃歸以從諸侯諸  
 大夫弑之則為楚者也春秋葬之則為王  
 者也然則何以不書弑而又書葬也書弑  
 而又不討賊則不得書葬書卒而又不書  
 葬則無以異於鄭成公父子異志而春秋

異義故春秋權也量物之輕重而為之衡者也

十有二年秋九月吳子乘卒

十有三年秋九月庚辰楚子審卒

其不葬已著之矣或日或不日楚詳而吳略也

十有五年冬十有一月癸亥晉侯周卒

十有六年春王正月葬晉悼公

是方三月也悼公三駕卒以服楚於蕭魚自桓文而後未有盛於悼公者而卒葬三月以霸王大夫之禮亦春秋之所畏也然則是猶之宋其公與共公之亂也於蕩澤是其在中行伯與中行伯急於得諸侯將執邾子莒子以許伐楚而廢公之遺言

故功利者春秋所不貴也苟偃之急於操盟與蕩澤之急於得政皆亂也亂恆敗功則邾莒無罪乎曰小國不幸當齊楚之衝行李存遺何罪之有

十七年春王正月庚午邾子貜卒

微之為齊而侵我無所異於莒黎比者也春秋無微夫謂其不成喪也不然何以葬杞孝公又何以葬邾悼公

二十有五年夏五月乙亥齊崔杼弑其君光

是莊公也葬於士孫之里四嬖不蹕下車七乘不以兵甲是有十人焉不足以死亦不足以葬有重丘之盟則崔氏之賊不可得也

三十年夏四月蔡世子般弒其君固

冬十月葬蔡景公

異之也春秋之異者獨此耳以為甚之也而  
同於許世子止是輕比之也以為臣不葬而子不可不葬也然則蔡靈公之見怨於春秋何也曰是必有逸事焉以免於討

三十一年十有一月莒人弒其君密州

展輿之立猶之莒僕也因亂而立亦不足以葬亦不足以弔謂其有幸君之心也

昭公元年冬十有一月巳酉楚子麇卒

楚公子比出奔晉

是不書葬者亦無從問賊矣然則吳不書葬猶書曰闞弒吳子餘祭何也吳太伯之後也

後也吳子卒魯人哭之先公之廟未為失也江漢之濱誰問之則亦問之公子比而已然則公子比非賊乎曰君弒而出奔米

踰年而反反而試君何為其非賊也

八年夏四月辛丑陳侯溺卒

猶從其哀而葬之是春秋之恕也陳侯溺生而逃盟死而縊是不足以葬矣而亦葬之惡夫楚之滅陳而葬之也故春秋哀明德之後而惡僭亂之國非謂函夏之中國夷狄也治之為夏亂之為夷以禮哀夏不以禮哀夷

十三年夏四月楚公子比自晉歸于楚弒其

君虔于乾谿

楚公子棄疾殺公子比

春秋之不罪虔而罪比何也春秋貴討賊而賤避死避死而不討賊不討賊而又自為君則甚於賊者矣故邾敖靈敖之賊皆歸於子比而棄疾無過焉是春秋之治也然則春秋畏疆禦而逸賊者與曰春秋惡人之相殺而無已也是季札子之志也

### 冬十月葬蔡靈公

靈公之不卒三十一日矣身弑其君而見誘於敵三年而後葬之穀梁子曰變之不葬有三失德不葬弑君不葬滅國不葬然且葬之不與楚滅且成諸侯之事也

### 十有四年八月莒子去疾卒

不葬亂也

### 十有九年夏五月戊辰許世子止弑其君買

### 冬葬許悼公

弑而得葬則是賊得也許止之與莒展與同似乎曰同於蔡般同於蔡般則甚也是重比之也夫使春秋無傳則許止之與蔡般同誅者乎抑以蔡般誅許止抑以許止宥蔡般是春秋之所深隱也春秋不以子沒父不以父沒子於此則必有取之也

### 二十七年夏四月吳弑其君僚

將謂惡不討賊者乎謂惡尋殺者乎先事則惡不討賊後事則惡尋殺兩者所以綱紀也且使討賊於尋殺同似則後起者得也是猶非春秋之志也

### 三十二年十有二月己未公薨于乾侯

### 定公元年夏四月癸亥公之喪至自乾侯戊

辰公即位

秋七月癸巳葬我君昭公

喪至而即位即位而後葬葬而別於墓道之南以是為去成康為未久也其去之久已遠矣

十三年冬薛弒其君比

謂惠公夷之不能討賊亦不能葬也以為猶著於宿男焉而終君臣於春秋

哀公四年春王二月庚戌盜弒蔡侯申

盜者誰公孫翩也翩殺而書葬雖十月未緩也

十年三月戊辰齊侯陽生卒

齊之弒陽生以悅吳師非義也陽生弒蔡而自立春秋已去其子而與其卒書其葬

何也曰陽生寔卒也而齊借其死以悅吳師使吳子三日哭于軍門之外然則春秋

不惡吳子與曰春秋道其實也春秋以禮與吳不以禮與楚而還與

春秋若葬陳靈公蔡靈公之事是也春秋與楚討賊葬陳靈公不與楚滅國不葬蔡

靈公故春秋之與奪大於天王而正於霸主易口正大而天地之情見矣然則春秋

以子弒父者有之乎曰未之有也莒弒庶其莒僕因之竊寶以殺季佗也歸獄於僕

莒弒密州展輿因之竊國竊國之罪重於竊寶而春州兩貫之則安知夫許止之為

嘗藥與蔡般之為子既與罪許止以為奔齊而許止已殺葬蔡般以為罪楚而楚之

惡不及蔡般之惡也故春秋所見以天下果未有此也何以見之曰於誘蔡侯般見



之也蔡侯般之罪大於夏徵舒則申之執何為其無鐘鼓也故春秋者天下之至恕也然則長宏之言不驗乎曰以子弑父何十二年之有也

不貳章第二十三

子云孝以事君弟以事長示民不貳也故君子有君不謀仕唯卜之日稱二君喪父三年喪君三年示民不疑也父母在不敢有其身不敢私其財也示民有上下也故天子四海之內無客禮莫敢為主焉故君適其臣升自阼階即位於室示民不敢有其室也父母在饋獻不及車馬

示民不敢專也以此坊民民猶忘其親而貳其君

桓公十有八年秋天王殺周公黑肩王子克奔燕春秋不書何以不書也惡其似桓公者也天子之討能行於封內不能行於諸侯其壞法亂紀亦自天子始也自天子始如何初王子克有寵於桓王桓王將立之屬於周公黑肩幸伯諫曰並后匹嫡兩政耦國亂之本也周公弗從至是莊王立二年矣周公貳於王將立子儀子儀即克也幸伯聞之以告莊王王殺周公黑肩王子克出奔燕故為人臣者不可以貳為人弟者不可以貳黑肩有功於桓王而卒以戮死故羽父共仲仲遂行父之免於王法則幸也惜乎莊王不敢討魯也而又來錫桓公命

莊公十有九年秋王子頹伐王師不克出奔  
 衛衛人燕人入周立子頹是小事也而春  
 秋不書何也春秋將以天王正天下之諸  
 侯而先為繩尺以正天王則無以正天下  
 之為諸侯者故繻葛之戰君子之所諱也  
 諱繻葛弁子頹而諱之然後知諱魯之不  
 得已也謂其去成康猶未遠也臣不可以  
 貳其君弟不可以貳其兄

二十年夏天王出居于櫟是皆不書春秋不  
 樂以天正王不樂以王正天下初莊王嬖  
 王姚生子頹子頹有寵為國為之師及莊  
 王崩僖王在位僅五年而惠王立惠王稍  
 侵先臣之田為國與諸臣失祿者奉叔頹  
 以攻王宮不克出奔淵蘓子以衛師燕師  
 伐周立子頹明年鄭伯和王室不克執燕  
 仲父遂以王歸處于櫟鄭伯入成周執寶  
 器歸又明年鄭伯與虢公同伐王城殺王  
 叔頹及五大夫是王叔也必莊王之寵不

貳於僖王而貳於惠王蓋其蘊貳再世矣  
 魯不能討而鄭厲公能討之故春秋之怨  
 鄭厲公有以也夫然則天王出居于櫟與  
 鄭伯之入于櫟有異乎曰天王入於廟升  
 自阼階即位於堂百辟皆備諸侯朝夕餼  
 百執事禮也

僖公五年會王世子于首止乃書世子者誰

太子鄭也惠王不怵於子克子頹之既又  
 寵惠后愛少子帶欲廢太子而立之公會  
 齊侯宋公陳侯衛侯鄭伯許男曹伯以定  
 太子王恚使周公召鄭伯曰吾撫女以從  
 楚輔之以晉無憂諸侯矣鄭伯懼迺歸於  
 是諸侯伐鄭又明年王崩諸侯盟于洮先  
 定王位而後發喪王子帶召伊洛之戎焚  
 王城王討叔帶叔帶奔齊後十年乃召而  
 復之於是王崩王討亦皆不書所不書者  
 畏以王室間於內難關雎鵲巢之諂息則  
 春王正月之義起春王正月之義息則律

量繩尺皆無所從起也是春秋之所以恕也故謂春秋治嚴者過也

僖公二十四年冬天王出居于鄭

天王再出居矣於是乃書者何責魯也責魯者何首止之會齊桓實是在是圖王室定計於鮮子頹之旤鄭厲焉依蓋未專告魯也於是宋襄沒矣重耳未入魯不急正難而臯躄四年以待秦晉之師左氏傳曰隗氏之亂頹叔桃子奉叔帶以敗王師王出適鄭處于汜帶以隗氏處于温王使來告難曰不穀不德得罪於毋弟之寵子帶鄙在鄭地汜敢告叔父臧文仲對曰天子蒙塵於外敢不奔問官守王使簡師父告於晉左鄆父告於秦鄭伯與三大夫省厥官具於汜而後聽其私政禮也王新伐鄭鄭猶不敢缺於王禮魯承王命而儻焉仰於秦晉使天子蒙塵四年於外向微重耳則周之為狄久矣魯以八百乘之國四應諸侯再盟衛宮南乞楚師東取齊穀入祀園宋夫非有貳心於王室何其從楚之驟也故曰責魯責魯者責其忘王室而有二心於楚也

宣公元年春王正月公即位

公子遂如齊逆女

夏季孫行父如齊

公會齊侯于平州

公子遂如齊

六月齊人取濟西田

記者之言其為宣公與宣公之貳於子赤  
 一也私於襄仲二也謀君三也短喪四也  
 喪娶五也獻濟西田六也不聞於天子而  
 私請之諸侯七也襄仲殺子赤而立宣公  
 哀姜大歸于齊宣公患齊之討也越喪而  
 娶於齊賂以濟西之田吉行而會於平州  
 平州者齊泰山之西州也以為成乎會則  
 莫之討夫亦誰討之乎而徒喪其田詩曰  
 錫之山川土田附庸夫猶是魯公之田也  
 亦猶是周公之喪也以田賂齊如之何其  
 以喪賂齊也故魯之有貳心者或謂宣公  
 也

成公五年冬十一月己酉天王崩

十有二月己丑公會晉侯齊侯宋公衛侯

鄭伯曹伯邾子杞伯同盟于蟲牢

曰貳貳矣去天子之喪方四十日也至者  
 可不聞聞者可不至其至之而聞聞之而  
 至者乎于是則亦有禮焉惜乎莫之講也

昭公四年夏楚子蔡侯陳侯鄭伯許男徐子

滕子頊子胡子沈子小邾子宋世子佐淮

夷會于申

左氏曰楚子合諸侯於申椒舉言於楚子  
 曰臣聞諸侯無歸禮以為歸今君始得諸  
 侯其慎禮矣霸之濟否在此會也夏啓有  
 鉤臺之享商湯有景亳之命周武有孟津  
 之誓成有岐陽之蒐康有豐宮之朝穆有  
 塗山之會齊桓有召陵之師晉文有踐土  
 之盟君其何用宋向戌鄭公孫僑在諸侯  
 之良也君其選焉王曰吾用齊桓乃使問

禮於左師與子產左師獻公合侯之禮六  
子產獻伯子男會公之禮六王使楚椒舉  
 侍於後以規過卒事不規王問其故對曰  
 禮吾未見者有六焉又何以規宋太子佐  
 後至使椒舉辭之弗見徐子吳出也以爲  
 貳焉執之楚子示諸侯侈椒舉曰夫六王  
 二公之事皆所以示諸侯侈禮也夏桀爲仍  
 之會有緡叛之商紂爲黎之蒐東夷叛之  
 周幽爲太室之盟戎狄叛之皆所以示諸  
 侯汰也今君毋乃以汰乎楚子弗聽甚矣  
 楚子之貳也其於六王二公猶之蒲宮執  
 戈之智也

先事後祿章第二十四

子云禮之先幣帛也欲民之先事而後祿也先  
 財而後禮則民利無辭而行情則民爭故君子

於有饋者弗能見則不眎其饋易曰不耕獲不  
 菑畲凶以此坊民民猶貴祿而賤行

文公九年春毛伯來求金

非禮也禮相見以贄聘問以幣以金次龜  
燕私之際也君子言不及利居不及玩好  
 二霸之會也未嘗有賂毛伯求金而後諸  
 侯大夫上下徵賂終春秋之世非賄不免  
 故春秋所惡自叛逆而外唯賄而已詩曰  
 或以其酒不以其漿朝朝珮褱不以其長  
 言大國徵求小國之無所祈免也

文公十五年冬十有一月諸侯盟于扈

左氏曰晉侯宋公衛侯蔡侯鄭伯許男曹  
 伯盟于扈尋新城之盟且謀伐齊也齊人

賂晉侯故不克而還于是有齊難公亦不  
會然公則可以不會也以齊之伐魯也故  
謀伐齊以齊之納賂也而郟八國之師則  
是以以八國之師取賂於道也齊以賂免魯  
必以不賂甌齊將取償於魯而魯必以賂  
奉齊是陽穀之盟之所繇始也

十有六年春季孫行父會齊侯于陽穀齊侯

弗及盟

六月戊辰公子遂及齊侯于鄆丘

季孫之辭盟賂不至也公子遂之盟賂至也  
以鄆丘之賂償扈之賂猶恐其不至也  
是齊與魯教賂無已也詩日以爾車來以  
我賄遷

宣公元年六月齊人取濟西田

公羊子曰外取邑不書此何以書以賂  
齊也曷為賂齊為弒子赤之賂也

元年秋楚子鄭人侵陳遂侵宋

左氏曰宋人之弒昭公也晉荀林父以諸  
侯之師伐宋宋及晉平宋文公受盟于晉  
又會諸侯于扈將為魯討齊皆取賂而還  
蓋一平於宋兩會於扈皆賂矣鄭穆公曰  
晉不足與也遂受盟於楚與楚侵陳遂侵  
宋故鄭之書人非貶也其人鄭僖之人晉  
也

七年冬公會晉侯宋公衛侯鄭伯曹伯于黑

壤

與於會不與於盟止也止而不書何也以  
賂免也左氏曰鄭及晉平鄭子公之謀也

故相鄭伯以會冬盟於黑壤王叔桓公臨之以謀不睦晉侯以公之不朝也又不使大夫聘乃止公諸侯盟於黃父公不與盟以賂免受賂者誰晉靈公也行賂者誰公子遂也公子遂以賂為功者也

十年春公如齊公至自齊

齊人歸我濟西田

何歸之歸亦賂也公以女妻高固高固請之則是公賂女也

成公二年冬楚師鄭師侵衛

十有一月公會楚公子嬰齊於蜀

丙申公及楚人秦人宋人陳人衛人鄭人齊

人曹人邾人薛人鄆人盟于蜀

穀梁子曰楚其稱人何也於是而後公得其所也會與盟同月則地會不地盟不同月則地會地盟此其地會地盟何也以公得所申其事也今之屈向之驕也屈者何謂盟則公為政嬰齊稱人驕者何謂會則嬰齊為政公就會也嬰齊之所屈於公者何受公賂也嬰齊之所驕於公者何欲取公賂也然則公之得所者賂也何賂之執斷執鍼執紕皆百人蓋女賂也然則是非賈盟也而曰賈盟何也曰晉將賈我是可一也不可以再是皆所謂無辭而行情貴祿而賤行者也

是會也有壞坊者四焉四者何也晉為盟主而竊與楚盟一也盟楚則必賂楚賂楚則必賂晉二也蜀及陽橋皆在城下三也蔡侯許男皆乘楚車不效於位而我與之

比四也故春秋盟會之法至於蜀而賈矣而獨以城下之耻聞

三年春王正月公會晉侯宋公衛侯曹伯伐

鄭

宋衛皆未葬而稱公侯故宋衛之不子蔡許之無位是春秋之所以賈也

十年公會晉侯齊侯宋公衛侯曹伯伐鄭

初晉之執鄭伯也踰時未歸公孫申曰我

急君則晉止君我出師以圍許為將攻立

君者則晉必歸君矣明年二月鄭子如立

公子繻鄭人殺繻立髡頑藥武子曰鄭人

立君我執一人焉何益不如伐鄭而歸其

君五月晉景公薨厲公立鄭子罕賂晉以

襄鍾子駟為質乃歸鄭伯故質不如賂之

信也譎不如賂之巧也然則自宣公而後

有以無賂免者乎楚之求鄭也而猶重賂

况其下者乎有之則士燮之不以賂免鄭

也夫與其以賂免猶愈於立君而免也與

秋七月公如晉

晉人止公使送葬春秋不書不書者何謂

諸侯之不動諸侯也惜乎其不以賂免也

賂免之辱正於喪盟之辱乎曰以臣而自

免則胃也以臣而免君則道也惜乎蜀之

盟未為得所也然則後將執君求賂焉如

何曰是亡國之誨也傷之云耳

襄公二年齊侯伐萊春秋不書惡寺人之通

賂也寺人通賂則國無不賂者矣左氏曰

齊侯伐萊萊人使正輿子賂夙沙衛以索

馬牛皆百匹齊師乃還君子以是知齊靈

公之為靈也天下之靈者獨齊靈公乎哉

詩曰誰能執熱逝不以濯



十一年夏鄭公孫舍之帥師侵宋

何以侵宋曰決晉楚也晉楚爭鄭鄭奔命之不遑曰吾伐宋以決之伐宋則晉必怒謝楚也於是楚鄭伐宋晉會諸侯于蕭魚而歸之納斥堠禁侵掠告成于諸侯公使臧紇對曰凡我同盟小國有罪大國致討苟有藉手鮮不赦宥寡君聞命矣於是鄭人賂晉侯以師悝師觸師蠲廣車軌車淳十五乘甲兵備兵車百乘歌鍾二肆女樂二八及其罍磬夫以晉悼公也而亦行賂乎其屬公二五之餘泚夫

襄公二十五年夏公會晉侯宋公衛侯鄭伯

曹伯莒子邾子滕子薛伯杞伯小邾子于

夷儀

是伐齊也伐齊者何朝歌之役齊始伐晉張軍於熒庭晉將執之而崔杼弑莊公以悅於齊使嚮鉏請成慶封如師男女以班賂晉侯以宗器樂器自六正五吏三十帥三軍之大夫百官之正長及處守者皆有賂晉侯許之於是晉送衛侯帑於夷儀雀子止之以求五鹿晉亦不敢問也而與齊同盟於重丘甚矣賂之為利也使盟主可伐賊可不討同盟可執舊怨可釋也甚矣賂之為利也

於是趙文子為政令薄諸侯之幣而重其禮穆叔見之謂穆叔曰自今以往兵其少弭矣齊雀慶為政將求善於諸侯武也知楚令尹若敬行其禮道之以文辭以靖諸侯兵可以弭記所謂禮先於幣帛者其謂此乎朝聘燕享禮也庭實貨賄幣也趙武

能率士燹之政則度乎免矣  
 方范宣子之為政也諸侯之幣重子產寓  
 書於子西以告曰子為晉國不聞令德而  
 聞重幣僑也惑之僑聞君子長國家者非  
 無賄之患而無令名之患諸侯之賄聚于  
 公室則諸侯貳若吾子賴之則晉國貳諸  
 侯貳則晉國壞晉國貳則子之家壞何沒  
 沒也將安用賄夫令名德之輿也德國家  
 之基也有基無壞無亦是務乎有德則樂  
 樂則能久詩云樂只君子邦家之基有令  
 德也夫上帝臨汝無貳爾心有令名也夫  
 恕思以令德則令名載而行之是以遠至  
 邇安無寧使人謂子實生我而謂子浚我  
 以生乎宣子悅乃輕幣以子產之善規也  
 而猶有取帶於叔孫豹取錦於季文子取  
 冠於公孫舍者故無辭而行情君子之所  
 禁也

遺利章第二十五

子云君子不盡利以遺民詩云彼有遺秉此有  
 不斂穧伊寡婦之利故君子仕則不稼田則不  
 漁食時不力珍大夫不坐羊士不坐犬詩云采  
 葑采菲無以下體德音莫違及爾同死以此坊  
 民民猶忘義而爭利以亡其身

是其為季文子晏平仲鬪于文氏之行與  
 其為苦成叔今尹子常羊舌鮒氏之行與  
 季文子相宣成無衣帛之妾無食粟之馬  
 仲孫宅曰子為魯上卿相二君矣妾不衣  
 帛馬不食粟人其以子為愛且不華國乎  
 文子曰吾亦願之然吾觀國人其父兄之

食麤而衣惡者多矣吾是以不敢人之父  
 兄食麤衣惡而我美妾與馬無乃非相人  
 者乎且吾聞以德榮為國華不聞以妾與  
 馬文子以告孟獻子獻子囚之七日自是  
 子服之妾衣不過七升之布馬餼不過稂  
 莠文子問之曰過而能改者民之上也使  
 為上大夫

齊景公疾遂疢期而不瘳諸侯問疾者多在  
 梁丘據與裔欵言於公曰吾寧鬼神豐於  
 先君有加矣今君疾為諸侯憂是祝史之  
 罪也盍誅於祝罔史嚚以謝賓公說告晏  
 子晏子曰有德之君外內不騷動無違事  
 其祝史薦信無愧心矣是以鬼神用饗國  
 受其福祝史與焉適遇淫君內外頽邪上  
 下疾怨斬刈民力以成其違祝史薦信進  
 退無辭鬼神不饗祝史與焉所以天昏彗  
 疾者為暴君使也公曰然則若之何對曰  
 不可為也山林之木衡鹿守之澤之萑

舟斂守之數之薪蒸虞候守之海之鹽蜃  
 祈稟守之縣鄙之人入從其政徧介之間  
 暴征其私承嗣大夫疆易其賄布常無藝  
 徵歛無度宮室不夏淫樂不違內寵之妾  
 肆奪于市外寵之臣僭令於鄙民人苦病  
 夫婦皆詛祝有益也詛亦有損聊攝以東  
 姑充以西其為人也多矣雖其善祝豈能  
 勝詛若欲誅於祝史不如修德矣公說使  
 有司寬政毀關去禁薄歛已責而公疾瘥  
 不然雖狐裘三十年豚肩不掩豆待舉火  
 者三百家猶未有遺民之利也  
 鬪且廷見令尹子常子常與之語問畜貨  
 聚馬歸以語其弟曰楚其亡乎不然令尹  
 其不免乎吾見令尹令尹問畜聚積實如  
 餓豺狼焉始必亡者也古者聚貨不妨民  
 衣食之利聚馬不害民之用國馬足以行  
 軍公馬足以稱賦不是過也公貨足以賓  
 獻家貨足以其用不是過也貨馬郵則闕

於民民多闕則有畔離之心將何以封矣  
 昔鬬子文三舍令尹無一日之積郵民之  
 故也成王問子文之朝不及夕也於是乎  
 每朝設脯一束糗一筐以羞子文至於今  
 令尹秩之成王每出子文之祿必逃王止  
 而後復人謂子文曰人生求富而子逃之  
 何也對曰夫從政者以庇民也民多曠者  
 而我取貨焉是勤民以自封也死無日矣  
 我逃死非逃富也故莊王之世滅若敖氏  
 唯子文之後在今子常先大夫之後也相  
 楚君無令名于四方民之羸餒日甚四境  
 盈壘道殣相望盜賊司目民無所放是之  
 不郵而畜聚不厭其蓄怨多矣民心之愠  
 也若防大川焉潰而所犯必大矣子常其  
 能賢於成靈乎成不禮於穆願食熊蹯不  
 獲而苑靈王不顧於民一國棄之如遺跡  
 焉子常為政而無禮不顧甚於成靈其何  
 力以待之期年乃敗於柏舉子常奔鄭昭

王奔隨故不顧遺利以取民者若楚子常是也

叔向見韓宣子宣子憂貧叔向賀之宣子  
 曰吾有卿之名而無其實無以從二三子  
 吾是以憂子賀我何也叔向曰昔欒武子  
 無一卒之田官不備其宗器宣德行順憲  
 則使越於諸侯諸侯親之戎狄懷之以正  
 晉國以免於難及桓子驕泰奢侈貪欲無  
 藝略則行志假貸居賄宜及於難而賴武  
 之德以沒其身及懷子改桓之行修武之  
 德可以免難而離桓之罪以亡於楚夫部  
 昭子富半公室其家半三軍恃其寵富以  
 泰於國而身尸於朝家滅於絳不然夫八  
 部五大夫三卿其寵大矣一朝而滅莫之  
 哀也唯無德也今吾子有欒武子之貧吾  
 以為能其德矣是以賀若不憂德之不建  
 而患貨之不足將弔不暇何賀之有宣子  
 拜稽首曰起也將亡賴子存之非起敢專

承之其自桓叔以下拜吾子之賜故不爭利以亡身者韓宣子是也吾成叔不爭利猶可與藥桓子沒其身  
晉自羊舌鮒為大夫而然國多賂平丘之會次于衛地叔鮒求貨于衛淫芻蕘者衛人使屠伯饋叔向羨與一筐錦曰諸侯事晉未敢携貳况衛在君之宇下而敢有異志芻蕘者異于他日敢請之叔向受羨反錦曰晉有羊舌鮒者賣貨無厭亦將及矣為此役也子若以君命賜之其已客從之未遑而禁之何為其賜之也曰叔向之權不足以制鮒也何為不足以制之也曰叔向不得君命叔魚能得君命其後叔魚竟以鬻獄尸於市故忘義爭利以亡其身羊舌鮒是也

別嫌章第二十六

子云夫禮坊民所淫章民之別使民無嫌以為民紀者也故男女無媒不交無幣不相見恐男女之無別也詩云伐柯如之何匪斧不克取妻如之何匪媒不得藝麻如之何橫從其畝取妻如之何必告父母以此坊民民猶有自獻其身

是其為鄆季姬與何為季姬也曰未繫之鄆也未繫之鄆而能使鄆子何也鄆無大夫以婚禮待於境上不得親迎則曰遇不待反馬則曰朝禮變而之正求正而之野是皆有父母之命也不及兩廟以正其終始雖有嘉禮近於自獻其身故禮不親迎不廟見猶之乎遇也

僖公十有四年夏六月季姬及鄆子遇于防

使鄆子來朝

來朝則俱朝也不得曰以鄆子來朝於是越歲而于歸猶之不廟見也左氏曰鄆季姬來寧公怒止之以鄆子之不朝也夏遇于防而使來朝止則不遇遇則不止且未繫之鄆故左氏詳外政而略內事也

十有五年九月季姬歸于鄆

何其久也公如齊從于牡丘九月始歸公歸而後季姬歸禮也

十有六年夏四月丙申鄆季姬卒

書曰書國無所異於宋其姬也故季姬猶為有禮也季姬沒三年而鄆子用於淮社

僖公不哀故鄆子則為賈禮也季姬非賈禮者也春秋之於諸姬多稱焉

二十三年冬十一月杞子卒

杞成公也

二十七年春杞子來朝

杞桓公也

秋乙巳公子遂帥師入杞

杞以客禮傲宗國

二十八年秋杞伯姬來

謝討也

三十一年冬杞伯姬來求婦

毋黨之請婦未失禮也大國聘幣以卿大夫小國命于舅姑詩曰娶妻如之何必告

父母伯姬求婦而以爲非禮則杞有卿大夫之役焉而又以杞爲傲

文公十二年春王正月杞伯來朝

二月庚子子叔姬卒

哀叔姬也哀叔姬而爵杞伯何也曰杞伯來朝亢則抑之哀則揚之哀吾之子以及其宗夫爲春秋者固得以子女進退人爵乎曰爵非春秋所自與也禮則春秋得而與之春秋以禮當爵亦得以爵當禮也

成公四年春杞伯來朝

五年春王正月杞叔姬來歸

八年冬十月癸卯杞叔姬卒

九年春王正月杞伯來逆叔姬之喪以歸

是則杞子之所爲伯也杞伯同盟五十年矣再娶於魯出其婦不遺其喪則甚矣齊之歸叔姬者也弑其君而棄其母終惠公之世無有逆其喪者故曰夫婦之道廢而谷風之怨興哀杞叔姬所以弔齊叔姬也然則二叔姬有罪乎曰哀也何罪之有

厚別章第二十七

子云取妻不取同姓以厚別也故買妾不知其姓則卜之以此坊民魯春秋猶去夫人之姓曰吳其死曰孟子卒

記者之不與魯春秋何也曰是所以正春秋也正春秋而後春秋不繫於魯不繫於

魯則仍魯春秋之辭何也曰權不變衡繩不改尺正其大者而其不正者皆正矣故文者附質而文者也質不變文文不損質故忠信者春秋之教也

晉公子重耳之人秦也秦伯歸女五人懷嬴與焉公子欲辭司空季子曰同姓為兄弟黃帝之子二十五人其同姓者二人而已唯青陽與夷鼓皆為已姓青陽方雷氏

之甥也夷鼓彤魚氏之甥也其同生而異姓者四姓之子別為十二姓凡黃帝之子二十五宗其得姓者十四人為十二姓姬酉祁已滕箴任荀偃姁依是也唯壽陽

與倉林氏同於黃帝故皆為姬姓同德之難也如是昔少典取於有蟠氏生黃帝炎帝黃帝以姬水成炎帝以姜水成而成而異

德故黃帝為姬炎帝為姜二帝用師以相濟也異德之故也異姓則異德異德則異類異類雖近男女相及以生民也同姓則

同德同德則同心同心則同志同志雖遠男女不相及畏黷敬也黷則相怨怨亂毓災毓災滅姓是故以妻避其同姓畏亂災也異德合姓同德合義姓義相夏成而不

遷乃能攝回保其土房今子於子圍道路之人也取其所棄以濟大事不亦可乎甚矣胥臣之辭也歸女五人豈無歡者而必

懷嬴君子猶畏其無別也鄭叔詹曰同姓不婚惡不殖也狐氏出自唐叔狐姬伯行之子也實生重耳成而雋材違離而得所

是則同姓之不別晉猶有戎風焉昭公元年晉侯有疾鄭伯使公孫僑聘晉且

問疾叔向問曰寡君之疾病卜人曰實沈臺駘為祟史莫之知此何神也子產曰昔

高辛氏有二子伯曰闕伯季曰實沈居於曠林不相能也日尋干戈后帝不臧遷闕

伯於商丘壬辰商人是因故辰為商星遷實沈於大夏壬參唐人是因以服事夏商

實沈於大夏壬參唐人是因以服事夏商

實沈於大夏壬參唐人是因以服事夏商

實沈於大夏壬參唐人是因以服事夏商

實沈於大夏壬參唐人是因以服事夏商

實沈於大夏壬參唐人是因以服事夏商

實沈於大夏壬參唐人是因以服事夏商



其季世曰唐叔虞當武王邑姜方震太以  
 夢帝謂已命而子曰虞將與之唐屬諸參  
 而蕃育其子孫及生有文在手曰虞遂以  
 命之成王滅唐而封大叔故參為晉星  
 是觀之則實沈參神也昔金天氏有裔子  
 曰昧為元冥師生允格臺駘臺駘能業其  
 官宣汾洸障大澤以處太原常用嘉之  
 諸汾川沈姒蓀黃實守其祀今晉王汾  
 滅之矣繇是觀之則臺駘汾神也抑此  
 者不及君身若君身則亦出入飲食哀  
 之事也山川星辰之神又何為焉僑聞  
 君子有四時朝以聽政晝以訪問夕以  
 令夜以安身於是乎節宣其氣勿使有  
 壅閉淤底以露其體致心不爽而昏亂  
 度今無巧豈之則生疾矣僑又聞之內  
 不及同姓其生不遂夫先盡矣則相生  
 君子以是惡之故志曰買妾不知其姓  
 之違此者山之所謂慎也

哀公十二年夏五月甲辰孟子卒

之大司也今君內有四姬焉其無乃是也  
 乎若繇是二者弗可為也已四姬有省猶  
 可無則必生疾矣叔向曰善哉昧未之聞  
 也故春秋之知禮者唯子產也

是所為吳孟子也何謂之吳孟子也吳或  
 得子出而稱孟子也公方幼而季孫為政  
 公不得自娶孟子公娶孟子則大臣主之  
 公不得自為政自楚敗鍾房以前公朝章  
 華而後公皆未嘗入吳又自邾莒發難五  
 部於晉公親見止兩執大夫夫嘗藉吳之  
 力故孟子之非吳宗廟祝史所薦信也而  
 孟子之稱吳甥舅伯叔之藉口也當時公  
 若之妹為宋元公夫人人生祁適季平子於  
 昭夫人同姓也故或以逐平子告夫人夫  
 有逐平子告吳者也又二十餘年叔還始  
 會吳于祖故自哀公六年以前吳未有盟

會征討與魯之事也吳楚始競吳數敗楚魯以子出於吳而繫於吳謂吳孟子以張魯亦以張子也陳實張楚而藉吳見譏夫有結婚強吳三十年無一介之問及至河五反身屈於齊庭與公子憇相見不肯入晉而猶曰娶吳者乎然則娶吳之說孰為之曰季孫為之季孫緇昭公欲緇昭夫人不及哭不附於廟孟子之卒孔子與弔季孫不絕放經而拜謂是同姓非吾小君也是仲尼之所悲也然則同時無有明之者何也曰季氏之服魯久矣季氏戮昭公又以戮公之夫人魯人信之播於外國故魯人之智不及榮駕鵝之智也然則仲尼之不正孟子何也曰闢事也闢事無諍

辟遠章第二十八

子曰禮非祭男女不交爵以此坊民陽侯猶殺

繆侯而竊其夫人故大饗廢夫人之禮子云寡

婦之子不有見焉則弗交也君子以辟遠也故

朋友之交主人不在不有大故則不入其門以

此坊民民猶以色厚於德舊分二節

君子公言不及內黨夫子何閑之諄也曰未有不閑而誠者也易曰閑邪存其誠謂其近情也而閑之不止而又明言之不明言之則必有未閑者存焉故又重閑之也

莊公二年冬十有二月夫人姜氏會齊侯于

禚

四年春王二月夫人姜氏享齊侯于祝丘  
七年春夫人姜氏會齊侯于防

冬夫人姜氏會齊侯于穀

祝丘之有享則是大饗未廢也所謂陽侯  
繆侯者晉楚之春秋與抑外國之春秋與

桓公二年春王正月戊申宋督弑其君與夷  
及其大夫孔父

左氏曰宋華父督見孔父之妻於路日逆  
而送之曰美而艷於是攻孔氏殺孔父而  
取其妻公怒督懼遂弑傷公君子以督為  
有無君之心而後動於惡故先書弑其君  
孔父之不能閑家則亦與有討也息媯之  
美而滅蔡與息夏姬棠姜皆天數夫而滅

人之宗故君子立教質言之而不諱詳言  
之而不穢也若不入主婦之門不交寡婦  
之子是也詩曰折桤樊圃在夫瞿瞿是之  
謂也

民紀章第二十九

子云好德如好色諸侯不下漁色故君子遠色  
以為民紀故男女授受不親御婦人則進左手  
姑姊妹女子已嫁而反男子不與同席而坐寡  
婦不夜哭婦人疾問之不問其疾以此坊民  
民猶淫佚而亂於族

為是坊者其唯敬姜與敬姜者公父文伯  
之母也朝哭穆伯而暮哭文伯仲尼聞之

曰季氏之婦可謂知禮矣愛而無私上下

有章公父文伯之卒也敬姜戒其妾曰吾聞之

好內女死之好外士死之今吾子夭死吾

惡其以好內聞也二三婦之辱其先祀者

請無瘠色無洵涕無指膺無憂容有降服

無加服從禮而靜是昭吾子也仲尼聞之

曰女知莫如婦男知莫如夫公父氏之婦

知也夫又曰公父文伯之死妾經而殉者

三人賢士未有至者敬姜遂不哭也

敬姜之將室文伯也饗其宗老而為賦綠

衣之三章老請守疆卜室之族師亥聞之

曰善哉男女之饗不及宗臣宗室之謀不

過宗人謀而不犯微而昭矣

敬姜者季康子之從祖叔母也康子往焉

闔門而與之言皆不踰闕登悼子康子與

焉酢不受徹俎不宴宗不具不繹繹不盡

飲則退仲尼聞之以為別於男女之禮矣

敬姜如季氏康子在其朝與之言弗應從

親迎章第三十

子云昏禮壻親迎見於舅姑舅姑承子以授壻

恐事之違也以此坊民婦猶有不至者

親迎禮之始事也而坊記以為率事言人  
事之終始也哀公曰冕而親迎不已重乎  
孔子愀然作色曰合二姓之好以繼先聖  
之後以為天地宗廟社稷之主何謂已重  
乎故親迎即位薨葬郊祀勤王此五者春  
秋所以坊德也五者皆失而以命從欲先  
王之刑乃窮矣故聖人以天命禮以天命  
刑以天命命而一其權量於春秋丁寧終  
始於昏迎之事易之咸恆詩之關雎亦與  
坊記同義也

桓公三年秋七月壬辰日有食之既

公子翬如齊逆女

九月齊侯送姜氏于謹

公會齊侯于謹

夫人姜氏至自齊

穀梁傳曰禮送女父不下堂母不出祭門  
諸毋兄弟不出闕門父戒之曰謹慎從爾  
舅之言毋戒之曰謹慎從爾姑之言諸毋  
般申之口謹慎從爾父母之言送女踰竟  
非禮也左氏曰凡公女嫁於敵國姊妹則  
上卿送之以禮於先君公子則下卿送之  
於大國雖公子亦上卿送之於天子則諸  
卿皆行公不自送於小國則上大夫送之  
然則是為卿逆君婦者也諸侯自親迎而  
公不送女可乎曰何為不可也君有社稷  
之守壻有宗祧之重子子父父何為其不  
可也且夫桓非親迎者也厚幣而自固者  
也然則自驪而後魯不入齊者何也曰春  
秋之許魯猶以有別也齊有風而魯無風

莊公二十四年夏公如齊逆女秋公至自齊

八月丁丑夫人姜氏入

是親迎也親迎而婦不至公至踰月而後乃入則猶之不至也故哀姜之不正終曰過始也過始則美盡矣美盡於始者蠱壞於卒也

文公二年冬公子遂如齊納幣

四年夏逆婦姜于齊

高子曰略也略則公子遂之略之也左氏曰貴聘而賤逆之娶于大夫而卿聘之不使卿逆之卿傲其大夫而適傲其夫人族下不尊親寡無援赤視之不允則自此如矣然則公娶於大夫亦可親迎乎曰公娶於大夫舍於先公之廟公為之主亦使卿

送之六國則無娶於它國之大夫者也而魯以高國比於婦姜

宣公元年春八公子遂如齊逆女

三月遂以夫人婦姜至自齊


婦者宗廟之婦非為姑婦之也且是有夫夫其公子遂逆而敬羸迓之一仲遂也而以夫人及婦不難乎其為子與夫者乎故春秋之文若詳也文詳則旨疑

成公十四年秋叔孫僑如如齊逆女

九月僑如以夫人婦姜至自齊

是猶之仲遂也夫其叔孫僑如逆而穆姜迓之穆姜之於敬羸叔孫僑如之於仲遂可以同辭可以同情幸乎其不親迎而猶且至也然則莊公之會杞伯姬於洮與齊

侯之送姜氏於謹有異乎曰均之乎愛女  
 也非所以愛禮也然則莒慶之逆叔姬齊  
 高固之逆子叔姬有異乎曰均之乎親迎  
 也莒細而從高挾而倨然則杞伯姬之來  
 鄆季姬之與睽互相反也春秋謹書之何也  
 曰家人與睽互相反也家人在內而閑睽  
 在外而疑其閑之曰悔亡其疑之曰豕曰  
 鬼曰張弧曰脫弧故家人反外雖聖人不  
 能不疑者誠敬之也誠慎之也謂禮刑命  
 三畏者之所攸寄也故唯記者為深知春  
 秋之義也



附錄坊記春秋問業

春王正月

商應椿問春秋三書無冰皆當春月則周正  
 建子三春正當沍寒之時冰泮溷於鑿冰之  
 月不知周公何所取而以子月革夏正也今  
 云作洛十中以八尺之表定畧南北觀其進  
 退以為端始冬至日道自南而此日畧自北  
 而南是為履端之候叶於天統故用為周正  
 雖云一王之憲其實頗寒暑而錯溫涼於東  
 作西成南訛朔易之義不如何處符合  
 答云周人雖以子為正月只是頒朔郊祀朝  
 觀以一日為始至於農事民時縣布象魏如  
 何變得逸周書時訓解云立春之日東風解  
 凍又五日蟄蟲始振又五日魚上冰此皆與  
 夏正同用如何變得周頌云維暮之春亦復  
 何求亦益清明穀雨時也所以周書又云越



我周王致伐于商改正異械以垂三統至於  
敬授民時巡狩祭享猶自夏焉  
應椿云然則程胡二傳皆云以夏時冠周月  
垂憲後世何也答云此亦假借之言猶云起  
於於此託意於彼耳春秋為魯史受朔於王  
閏不告月猶且書之如何敢變一王之憲看  
其三書無冰皆當春月則建子無疑但在歷  
法以南至首春則正月無春只有春二月春  
三月商正建丑以立春為中氣亦五年間遇  
不可為常必以夏至為夏之極冬至為冬之  
極每遇冬中至朔相合准為閏月則大寒立  
春已入寅限又依然夏時矣春秋以三正並  
建本周公之意行天王之令故書春王正月  
春王二月春王三月以春月之有王收正月  
之無春亦所以因事省事以王統天之義也  
胡逢甲云王班朔則書王正月王不班朔則  
不書王正月襄公二十七年十一月辰在申  
哀公十二年二月火猶西流十三年復然

皆司歷之過杜氏以長歷推之於是置閏其  
明年皆不書王正月若王置之則當書王正  
若魯置之諸侯無改憲之義不書王正其諸  
以病魯與  
答云不班朔不書王正與不郊不書王正同  
義然僖公二十四五六年天王出居於鄭昭  
公二十二三四年王室亂天王居於狄泉不  
應此時獨行郊祀頒朔之禮蓋此時播遷天  
王應有禮於侯國春秋亦欲以此正侯國之  
不勤王者故於此數年皆書王正月不然隱  
公九年天王使南季來聘此時王室無事禮  
問數通何以不書春王正月及桓公十八年  
問僅三書王正必是郊祀頒朔與春秋正權  
兩意互用不在置閏不置閏有春無春之間  
也

胡逢甲云春秋之似時遇無事則書首月若  
其中有事者以時舉則不月舉也舉月而書  
王以為正權舉月而不書王亦以為正權則

正權之義彼此通掛兩來其辭與答云郊祀  
 深但事遠文湮莫得而詳也  
 逢甲又云自古改正皆不易月商人元祀十  
 有二月時以立春若值中氣可稱王正矣即  
 不值中氣猶以烝命祀如何便云建丑也如  
 周月建子而春祭仍烝不待頻瀆其譏已見  
 此三事自夏則夏不須改正矣若以為頒朔  
 讀法朝賀之類則今頒朔朝賀亦在子月不  
 得云改正也且如豳詩以陽紀日則曰一之  
 日二之日三之日四之日以陰紀月則曰四  
 月五月六月七月而改歲躋公皆在十月之  
 後不稱十一月十二月又不稱正月何也答  
 云聖人因時以示禮樂三冬農隙歲事告成  
 日月干支始於子甲甲之與子通得為正故  
 數甲者命曰數子者命曰敬授兩舉以示民  
 有事也以日舉之則曰正日以月舉之則曰

正月詩與春秋初不相悖也  
 逢甲云然則周時周月兼得干支之正伶倫  
 軒轅合與春秋同軌而夫子又云行夏之時  
 何也答云帝王不相襲禮舉日舉月則周人  
 為正舉歲舉時則夏時為正周人親親報本  
 於農隙之後夏勤溝洫立正於于耜之初兩  
 者異文而同質若云作訛成易或于其紀則  
 南至始春夏至始秋四仲之月皆得中氣譬  
 如周易屯蒙始春咸恆始秋不必泰否以分  
 春秋始復以稽冬夏也夫子刪述一以周公  
 為本至論為邦則是夫子自家生意耳道有  
 并行者不更疑貳也  
 戴造問隱公不書即位可是攝可是當立  
 可是從公之志可是不請命於天王曰只是  
 不請於天王耳隱桓皆庶而隱為長當時得  
 王命則當立無疑篡弒之禍亦息矣戴造云  
 桓文宣成襄昭哀七公即位豈皆請命於王  
 州吁鄭忽亦皆請命於王如何不成其為君

答曰聖人之言義不一起或意有并存則特舉其重者要於垂法立憲不失本意而已公及邾儀父盟于蔑九月及宋人盟于宿

戴造問隱公未即真邾子未拜爵兩家同盟何以稱謂何以告明神且何以要約捍災恤患也答曰春秋稱公豈有不即真之理如四年遇宋公於清六年會齊侯於艾彼國自然稱魯侯不得稱魯公子也隱公初即位要圖霸三月及邾盟于蔑九月及宋盟於宿只此是一部春秋後來春秋盟會相尋蔡夷爭長皆於此始皆於二年于潛于唐徹底映現惜其才不逮桓文年不逮莊僖耳春秋許多事皆於隱始權輿

### 鄭伯克段于鄆

陳有度問春秋魯史為何元年突書鄭志答云春秋隱桓原本常謀隱公不能克軌而鄭

伯克段春秋於此初無貶辭要為為舍鍾巫

伯猜很固不敢傲周公然使周公諫管蔡亦

不得書曰辟管叔於商放蔡叔於鄭也叔

直稱兵啓期襲鄭鄭伯克之於其巖邑聖人

直書如克敵然宅曰陳侯之弟招宋公之弟

辰有所訓討皆直以弟係之向使寫舍之難

隱公不殆桓公出奔亦不過書曰公子軌出

奔其耳又使桓公據邑襲魯隱公克之亦必

書曰公克軌於其何為其討鄭莊公也然則莊公處心積慮陷段於辟春秋在所以不討與

諸侯第一敗類故於隱之初年特表其事以志倫常之變如隱公不容桓公豈得免於春秋之討今以克段為無貶辭然則三傳皆非與答曰三傳之不與鄭伯固是恆理然使段入鄭據鄆為鄭伯者何以處之防患未然聖人有所不能大義滅親君子有所不避隱公讓不戒讓攝不成攝使知鄭莊蚤察京叔去公子翬不至滋蔓雖老於菟裘終於正寢無不可也允元云魯位細事倫常大故隱公雖見弑於子翬亦無殺弟之嫌莊公雖克敵於京城終有殘忍之惡以此看春秋豈不完美答云此亦正論但看克段二字不書毋弟聖人於莊公身上略放得過後來宋辰陳招兩事對證分明

### 天王使宰咺來歸惠公仲子之賵

兩應椿云仲子為桓公之母先卒無疑三傳俱謂天王之尊不宜下賵諸侯之妾而康侯專責宰咺以冢宰書名見宰之非宰也先儒攷周禮宰夫掌國之帛事戒令與其貨賄或此宰為宰夫之宰未必便長六卿不知是否答云凡此等失皆在在天王成風之卒王使榮叔歸合且賵其葬也王使召伯來會葬皆去天稱王而於榮叔召伯無譏焉仲子之賵安得獨責宰咺不責天王蓋是春秋初年王不稱天則無以正其始據事直書善惡自見宰咺之為太宰與宰夫可無問也

胡逢甲云天王賵諸侯之妾或是魯宋交請而然未必春秋專責天王答云春秋之意只為隱桓構難皆從此始嫡妾不正則兄弟不定兄弟不定則冰霜馴致矣子克子頹子朝之亂王室比比而然故春秋特筆其事以正

王國非獨以正魯國也逢甲云然則成風之  
卒已在惠襄二王之後無叔帶狄后之亂而  
春秋特嚴其文書王去天不專為正名發與  
曰春秋正名以坊百世不即事以坊一時

### 鄭伯以壁假許田

戴造問隱公八年鄭伯使宛來歸祊庚寅我  
入祊經不言鄭以祊易許也至桓元年始言  
鄭伯以壁假許田豈有易許四年魯不歸地  
而別書曰假者古人謂祊薄於許佐之以壁  
是則賈胥之道春秋為何筆之於經如謂魯  
鄭紊亂王制私相易地則取郟取防入向入  
極取婁牟取戴雖小國之君亦悍然為之假  
許入祊未為大事何為鄭重其辭乎  
答曰周室之東鄭人自為司徒及平王既幼  
王室日衰鄭首叛周自為雄長其初心畏宗  
國以祊饋我我受其餌與之伐宋於是陽假  
王命陰取諸小國以自益也隱之末年始與

齊魯入許及桓公立微有佐助之功乃明假  
許田亦心輕桓公以為不如隱之時矣故方  
隱時取郟取防皆歸於魯及假許田僅藉以  
壁非輕許田輕桓公也桓公身為篡弒無宗  
國之望宋衛同惡相濟王不能討又取鄆劉  
焉邗之田於是明年遂顯叛王孺寡之戰天  
下無敢問者則自垂越之盟始也故鄭伯以  
壁假許田晉侯以壁假虞師先後同智也

### 齊侯衛侯胥命于蒲

陳有度云齊衛胥命四傳皆以為近正今直  
以為奸命何也答云春秋重錫命霸王會盟  
亦申王命耳齊鄭宋衛當年未合及宋之亂  
衛將與齊合後此數年戰於即盟於惡曹齊  
與鄭衛相從皆從蒲始也故蒲之胥命非從  
王明矣非從王而胥命則猶之奸命也然則  
四傳皆以為近正何也曰莊公二十一年鄭  
虢胥命於弭弭從王也蒲非從王也以弭之

傳訓蒲之經是四傳所以同誤也

春正月己卯烝夏五月丁丑烝

尚應椿問桓公八年再烝將為春夏失時抑為重烝見瀆乎答云祭義禴為薄物以祭烝為備物而享言夏物未成而冬品咸登也書曰享祀毋豐于昵雖云祖禴之廟維均而夏冬之義可辨若絜以繁多為主則祀媿精禋禴慙薄物矣聖人先以簿正而防獵較故於春夏盛祭皆題之曰烝所以示禮之因時而道之貴節也或謂舊文之誤當亦不然

鄭伯突出奔蔡鄭世子忽復歸于衛

陳允元問桓公十一年突歸于鄭鄭忽出奔衛突忽兩名無所去取至十五年始書鄭伯突鄭世子忽兩爵似有是非何也曰忽突初年宋執祭仲宋人為政忽突中年祭仲復君

鄭人為政宋人為政在喪期之內皆不稱子曰未成君也以人與地以地與人曰是鄭之突忽也而忽得稱國則微與忽矣鄭人為政在五年之內君臣已定突雖篡國猶得稱伯忽雖失位得稱世子又以世子復歸則明其初年之得稱子也然則春秋與祭仲乎曰祭仲置君如奕棋然何為其與祭仲也然則春秋與忽乎曰桓公十七年高渠彌弑忽而立亶春秋不書何為其與忽也然則春秋與突乎曰鄭伯七會諸侯定王於櫟雖欲不鄭伯之不得也然則春秋以忽方子糾以突方小白乎曰齊鄭非匹功過各別其大率猶此也然則鄭忽五月己葬不稱子忽衛朔四月未葬得稱衛侯何也曰鄭忽從經衛侯從史經正其大史沿其細然則納朔不義故伐衛者稱人納突亦不義而伐鄭者稱爵何也曰伐衛者抗王伐鄭者從王鄭突從王衛朔非從王者也然則皆書公至自伐鄭至自伐衛何

也曰伐則有別至則無別也出而告廟有異辭至而告廟無殊禮

### 師次于郎以俟陳人蔡人

朱垣問春秋書法未有如此之異者救師稱次此非救師也而亦稱次如是齊召魯師不應夏俟陳蔡如是魯召陳蔡不應三時空行如是陳蔡違命不應夏筆之書如是魯欲取郎不應魯露之入臨川吳氏謂齊欲取郎徵兵於魯與陳蔡魯因奔命於齊而陳蔡不與焉此時魯未服役於齊安得陳蔡不至而魯人獨恭答云此是齊魯爭郎也垣云如是齊魯爭郎則不應書師及齊師圍郎也答云魯以兵威脅齊取郎以為郎必降魯及郎降齊而魯意乃替故首書春王正月以治伐同姓之罪既書次書及書還皆不稱公以諱不成師之耻本傳甚明臨川吳氏失之垣曰然則次於郎郎而甲午治兵書日何也曰次於

即月舉之也甲午治兵日舉之也月舉則已緩日舉則已邀月舉則已潛日舉則已著

### 齊侯宋人陳人蔡人邾人會于比杏

朱垣問是會有宋公邾子一繫庸人唯齊侯稱爵胡氏謂四國無王推戴霸王故斥而稱人齊桓始霸能平宋亂故與而書爵此義云何答曰與霸主則不得斥與國斥與國則不得與霸主也蓋是宋御說初立未請於王不得稱公不稱宋公故不稱邾子猶無所褒貶也朱垣曰是時宋人未服齊桓是以明年春齊人陳人曹人伐宋則此時宋人不得稱公也胡氏謂齊自滅譚之後二十年間未嘗遣大夫為主將亦未嘗動大眾出侵伐將卑師少故稱人然與曰春秋書人者皆不許大夫擅兵或小國未成君也君不在而書人舉衆稱師皆從其實非有褒貶也朱垣曰烏程姚氏稱齊桓盟會則皆書爵滅伐執降則皆書

人然否答曰此亦不同閔公元年齊人救邢而亦書人僖公六年伐鄭圍新城而亦書爵何必貶之書人褒之書爵也春秋於此等皆書其實間有褒貶去爵書人不盡為例也

### 城楚丘

陳有度問三城而書不同城邢之義著矣城緣陵而書諸侯城楚丘不書齊師又不書諸侯公毅胡氏謂不與專封時江鄧氏謂大桓公之功欲以城楚丘公之天下兩義云何答云左傳謂曾後至故以自城為文此必有據如專封之說必不可通諸侯有難相率捍患因其師眾城彼故墟何專封之有如狄滅衛不能伐狄狄去乃遷為城楚丘此又何足大於天下乎春秋不與專城其有城者皆自為功雖曰遷衛之事曾受其功可也

### 四卜郊不從乃免牲猶三望

陳允元六曾史惠公請郊禘之禮史角止之則是成土初無賜大禮之事魯公亦無受大禮之理先儒論之詳矣今信禮記而非曾史以為郊祀不請於惠公不始於僖公則自僖公以前六十七年春秋無卜郊之文無吉禘之禮何也曰史角止惠公之請不出世家亦是後人臆說祝鮀說王室之賜周公禮籍祝史必不是矯誣的事如闕宮之詩夫子稱之曰頌春秋考仲子之宮初獻六羽則八佾郊禘其來舊矣夫子歎周公其衰蓋歎三桓非歎周公也魯卜郊而三家雍徹魯三望而季氏旅太山若孔子之於周公又何間焉允元云然則杞用夷禮而魯人討之舞用旌夏而韓子變色所謂夷禮亦猶之旌夏也齊桓糾合諸侯遂欲僭用封禪僖公為齊桓愛塔見杞宋皆用大禮遂僭卜郊理或有之答云周德雖衰天命未改襄王之却請隧王孫滿之阻問鼎晉楚兩霸莫之敢干魯僖親事桓



文安得於此自干罪討即如魯頌白牡駢剛  
 四字儼然典禮豈是後人創得勿以夫子之  
 歎周公疑成王之壞王典也再舉正月之郊為  
 祈穀月令及孟獻子所言是也周用建子以十一  
 為報本郊特牲所言是也周用建子以十一  
 月為正月而僖公三十一年以四月上郊則  
 是夏二月也啓蠶而雩原不為過然春秋書  
 郊非雩書雩非郊也僖公以四月上郊自是  
 以後成十年四月五上郊襄七年四月三上  
 郊十一年四月四上郊皆沿為故事又如宣  
 三年以正月三望成七年五月三望文十五  
 年以五月郊成十七年九月用郊是皆何義  
 也答云只論其常郊不當郊勿問其月矣禮  
 常祀不卜天子大郊在十一月正月魯供柴  
 塋之事焉故不得於是月郊不得於是月郊  
 則必為之夏上郊魯之夏上郊禮也夏上郊  
 而於二月七月亦禮也因而塋池從上焉耳

上而不從耳賣三賣則唐人不為之矣夢銷  
 云然則郊上而禘不卜何也答曰魯之有禘  
 魯公之事守也白牡用於太廟駢剛用於世  
 室禘祭大享則后稷為始祖而周公魯公分  
 昭穆焉周室郊祀后稷配天文王配帝享於  
 明堂禘禘之祖始於帝嚳魯不禘嚳而禘稷  
 不祖文王而祖周公以視天子之禮隆殺不  
 同未為僭也周公身作禮樂魯公之禮隆殺見  
 矣無冒昧承受之理闕宮之頌曰皇皇后帝  
 皇祖后稷周公皇祖亦其福女是其驗也夢  
 銷云魯周公稱太廟魯公稱世室羣公稱宮  
 闕宮其為姜嫄之宮與僖公之宮與曰頌稱  
 奚斯所作奚斯莊公時人則必非僖公之宮  
 也舊說魯人特祀姜嫄疑或有之但其詩作  
 於僖公之時耳夢銷曰然則太廟八佾世室  
 不過六羽羣宮亦用八佾何與曰唯有羣宮  
 之僭所以有三家之僭也若世室身受禮樂八  
 羽六羽猶在可否之間也夢銷又云天子曰

禘諸侯曰禘自魯人用禘又以禘為祀典之  
之通稱如閔公二年夏五月吉禘于莊公僖  
公八年秋七月禘于太廟用致夫人皆指大  
祭為禘而詩書所稱祠禴嘗烝無有直指為  
禘者不知魯論兩舉禘字亦泛指大祭與曰  
魯論所舉禮記所歎直為非禮而祭已經夫  
子嗟悼不費後人譏彈

### 楚子使椒來聘秦人來歸僖公成風之祿

朱垣問秦楚當時皆為霸主文公九載仁問  
未宣何為秦楚同時見禮答云聘問自是常  
事十二年秦伯使術來聘皆繇我有聘問彼  
此往還不足為異也先年秦穆之卒必有含  
賵此來歸祿亦自應爾但不以成風先於僖  
公為春秋特義耳朱垣云楚子當時經略中  
原明年遂與蔡侯次於厥貉秦人今年歸祿  
明年伐晉十二年秋來聘冬與晉人戰於河

山還是異類叵測借禮樂以為兵端結與國  
以疎盟主也答云春秋時事實亦難言厥貉  
之次楚人田於孟諸宋公為右孟鄭伯為左  
孟陳蔡楚皆從焉所未致者魯耳故先使椒  
覘國執幣甚傲便是覘國之徵非為好會也  
文公娶於齊而嬖敬嬴敬嬴之徵非為好會也  
風之於莊公也敬嬴此時已不事出姜私結  
仲遂秦人為其國女來歸成風之祿妾毋當  
嫡其意昭然春秋表於九年之前應於九年  
之後知微知幾晰於毫釐

### 公會晉侯衛侯於瑣澤

胡逢甲問瑣澤之會春秋變文左傳稱宋華  
元合晉楚之成盟於宋西門之外鄭伯如晉  
聽成會於瑣澤春秋於此削宋楚鄭不書但  
書公會晉侯衛侯六國會盟晉楚交質亦春  
秋中年第一變局而聖人裁約其辭若尋常  
相遇者雖以深摯宋鄭又何以況存魯衛以

六國營營之謀而聖人汎汎消之何如不書之愈也答云宋鄭和楚必是魯衛後至後至者從晉先至者從楚晉楚之從不相加戎則魯衛得矣宋鄭失矣瑣澤之會書其後至者所以深惡從楚存中原之盟主重宗室之蕃翰也

### 公會晉人鄭良霄宋人曹人于澶淵

戴造問澶淵之會趙武為政是彊戚田取衛邑以賜孫林父又為林父執衛侯故諸大夫皆書人而獨書鄭良霄何也答曰自蕭魚而後鄭行人良霄見執於楚然已一意中國不替晉盟故鄭之大夫皆以名稱故向之會齊宋諸國皆人獨書鄭公孫董伐秦諸國荀偃而外亦唯鄭衛稱名是後公孫舍之入陳公孫夏伐陳公孫段城杞終良霄之世鄭有大夫春秋若喜鄭大夫之得會於諸侯也或曰子產為政其文辭可觀則當伯有時子產尚

未為政安得以一子產崇諸大夫也

### 作三軍舍中軍

胡夢錡問季孫宿作三軍三家各專其一季氏盡徵其賦不入於公孟孫使半為臣若子若弟叔孫使盡為臣此是何說曰自國政而外臣與子弟皆有祿食半為臣子弟者此二分併於公一分歸於已公食其半已食其半也盡為臣者公得其臣已得其子弟皆半也而孟孫以子弟賦於公叔孫以子弟賦於已季孫初不與臣子弟之事然有外國聘問禮樂于戈其漸浩大不得不舍中軍舍中軍者不專任中軍之事欲以二軍併征其賦外而應酬兵食內而臣若子弟作四分而以二家通給之已專調度而已名為復古其實是卑公室名為反正其實專利也夢錡曰左氏則是如此其實兵多則賦匱聲大則實虛自

作三軍而後履幽丘甲皆有所不給是以子  
 產退處於子男鄩人不繫於屬國皆以避虜  
 靡之聲遠內匱之既也自季孫初作穆叔已  
 知其必舍然既舍而後依舊兵車八百餘乘  
 所以魯國終於不振不知夏人一旅周人三  
 單其初規模如何卒致疆盛答曰治兵治賦  
 自有別才雖說多不如少少不如精其實只  
 要人人有若臣若子若弟之意令無若臣子  
 弟之意雖抗衡盟主坐朝小國無有不敗之  
 理是季孫之見所以劣於孟叔二家也

### 元年春王

胡夢銷問定公元年只書春王不書正月或  
 以定公不得正其始或以為不與季氏之頒  
 朔兩義何居答云聖人立言豈於此處弄其  
 巧拙正月自為正何與正始上事頒朔自在  
 王何與季氏家事此處裁奪豈成春秋即於  
 此處裁奪不書春王猶為冷雋譬如夏五闕  
 文自是後人闕漏如夫子當日闕之有何義  
 味正不如不書之愈也此處恐是聖人有去  
 處未屬筆者聖門諸子一辭莫贊直復存之  
 使後人繹思亦是一番意致耳

### 從祀先公

商應椿問三傳皆云正僖閔之逆祀也胡氏  
 獨主蜀人山之說以為從祀昭公於義云何  
 答云左傳及公穀皆有傳聞之言百世後如  
 何以臆改事當日陽虎欲暴季氏之惡直當  
 正奪嫡之罪則無處可置定公如改謚別葬  
 之非左氏明有記載何獨於此追說閔僖也  
 應椿云春秋每書宮廟必舉其謚此不書閔  
 僖而直書先公猶言禰廟也必為昭公無疑  
 答云若昭公無廟必書作昭公廟昭公無主  
 必書作昭公主襄昭之間從無逆祀雖欲從  
 祀無從也事不考經傳直以意斷之則夫人  
 可稱世卿魯人皆無篡弑矣應椿云別葬道

南卽是逆祀當時祭享有不順理處昭公至是始得從祀於太廟想亦當然答云定哀是所見之世傳說冬十月禘於僖公順祀先公而祈焉不必更爲馮山之說

### 齊侯陽生卒

戴造問鄭之師公會吳子以邾剡之師伐齊南鄙齊人弑悼公赴于師吳子三日哭于軍門之外胡氏謂春秋不著齊人弑君之罪亦猶鄭伯髡頑弑而書卒不忍以夷狄之民加中國之君如此義云何答云春秋立言本天理以察人事如使弑者書卒卒者書弑何以傳信於天下百世大抵左氏據史或得之傳聞聖人察理以存爲本案雀杼弑君以說於晉晉人爲之邊師陽生之卒又合齊侯環故事晉人舍環而稱光用以譏嘲齊人謂是雀子故智非其實也鄭伯髡頑不濫其臣以卒於會君臣離心或借其事以爲兵端未必子駟

使賊殺之而子駟以欲從楚卒自賊也春秋存其實左傳存其疑緣疑察實何礙之有

### 紀子帛莒子盟于密君氏卒

張鼎臣問隱二年紀子伯莒子盟于密公羊曰無聞穀梁兩說曰紀子推先莒子爲伯父曰紀子自以爲伯此是如何答曰履繻字子帛從左何疑公穀無聞祇成杜撰鼎臣又問隱三年夏四月辛卯君氏卒公穀胡氏均以爲尹氏猶武氏仍叔之子蓋譏世卿云左氏以爲馨子今坊表記又以爲君夫人何所取裁答云內事單書內人稱氏王子虎劉文公此有關係所以存周也尹氏何係不名不字春秋繼詩而作故尹氏仍叔之類皆見於經必如君氏亦不著姓非似氏孟子之比何以爲若夫人答曰子卒不稱子赤謂其且成君也君氏卒不稱君夫人謂其未成禮也觀如

氏孟子之書日月與君氏于卒之不善名氏而內外隆殺情誼之微燦然見矣張鼎臣又問繻葛之戰鄭敗王師既射中肩又乃勞之此與司馬懿哭曹髦何異即如叔段馳馬試劍其徒作詩不過侈其食飲射獵之事非若曲沃椒聊我聞有命者而莊公刺意厚崩以成其殺今若寬宥之者何也答曰試使它人處此有甚於驅段奔共者將謂元武門之心劣於朱雀柎耶春秋持論甚恕切勿深剝一層鼎臣云射王中肩如何恕得答云此事不見於經傳聞之世不知當日所見如何

陳允元問讀春秋當識其大者今既不論卒夷之防但從五倫看起如朋爰兩字作如何者答云朋爰信之何嘗見朋爰終日有許多盟誓攻伐侵執之事允元云如公子爰如陳葬原仲未為違禮公穀疑其出奔胡氏直引縣子之論以證左氏之說畢竟如何答云陳

莊子死起喪於魯魯人欲勿哭繆公召縣子而問焉縣子曰古者束修之間不出境雖欲哭焉得而哭者今之大夫交政於國雖欲勿哭焉及齊宋盟沿習已久季爰有託而逃季爰之葬原仲猶季扎之聘上國如春秋責備季爰何以閔公九年喜其來歸故朋爰之義於季爰季扎特見焉耳後漢紛紛千里會葬亦於是起如說委國政而私交則公子牙公亦慶父為政季爰何推委之有陳有慶云春秋立禮只為三坊齊桓之隕越下拜晉文之出入三觀不足以坊齊桓之隕越誅觀狀不足以坊淫立五子納懷嬴不足以坊欲然且聖人亟取之何也答云春秋若無五霸決不成天下看宅三際中停無霸之歲諸侯凌遲夷狄縱肆有不可勝言者有度云如何是三際中停答云僖公十八年巳卯葬齊桓公此是三際中停襄公二十八年巳亥蕭魚之

會此是一際桓公而後天行不及晉文入際  
 十四年而般晉悼入際四年而劬參而兩之  
 中分百二十一宣公七年也朱黑壤之會為  
 春秋中際明年楚滅舒蓼為晉楚分始除隱  
 桓初際二十九年此時無霸諸侯宿莠宿  
 潛唐石門瓦屋浮來中丘垂越稷鄧蕪蕪  
 曹折闕天鍾曲池穀丘虛龜武父艾袁黃  
 無地不盟無年不會至於小大相凌弱肉  
 食入向人極年婁長葛邠防即奚或戰  
 或侵東國之師無有寧極久而後齊桓公  
 文公襄公出焉襄公之烈不及桓文然猶再  
 郟秦師伐狄救江齊厲王室中下大義於  
 文公十四年伐申乃入申際天下無霸有  
 季于北斗齊公子商人弒其君舍宋人弒其  
 君杵臼齊人弒其君商人魯弒其君赤晉趙  
 盾弒其君夷臯鄭公子歸生弒其君夷黑壤  
 之明年楚人滅舒蓼陳夏徵舒弒其君平  
 楚子滅蕭伐宋圍宋晉滅赤狄王札子

伯毛何邦人哉鄆子于鄆二十五年之間  
 常素亂諸侯汎汎如河中木蜀之盟天下從  
 楚蠱牢焉度不足以固鄭久而後晉厲公悼  
 公出焉厲公三申王命得於鄆陵悼公三駕  
 歷鄭以綏中國凌達至於定哀乃入未際此  
 時無霸又二十九年召陵侵楚身襲乞盟蔡  
 師幸勝於柏舉晉人遺力於鮮虞人殺屠  
 於滅許二卿肆志於闔鄆於是盟  
 伐四出拔滅沙瓦曲濮五氏安甫  
 蘧篠句繹祖鄆橐臯黃池齊晉之長  
 越而家臣柄政霸國分袞頓胡入楚蔡人甫  
 遷魯以邾子宋以曹伯大夫卿士之奔軼外  
 國者不可勝數也故隱桓為初際定哀為末  
 際文宣為中際三九四六分停其運無霸之  
 年諸侯匆匆如過中之市故五霸者聖人之  
 所寄坊也無五霸則楚狄吳越其橫決固已  
 久矣  
 戴造云然則五霸何公宋襄固不足道際穆

楚莊居然賢者何以見麾咎云秦穆未躬盟  
 會楚莊侵陵上國晉厲驕虐直以三申王命  
 同盟外楚為中原所尊柰何欲以盟王奉楚  
 戴造云晉景晉平實霸中夏柰何亦不見推  
 咎云邲之戰實長楚氛鞏之捷有慙王國沙  
 隨平丘直是戰國之事安得與桓文比烈五  
 霸自桓文而後晉厲以功晉悼以德晉襄修  
 其舊業自三公以外無足稱者要以坊德坊  
 淫坊欲則晉悼庶幾諸未足以語此也  
 商應椿云右春秋問難皆不專為坊記而發  
 問與表記出入與歷代諸儒言論變別凡三  
 十四條附識于此凡諸同門有所聞志別附  
 於後云





